



同日禮部太常寺言今來參酌到聞喪恤禮內合擇日
奏告天地宗廟社稷諸陵詔依

正月二十六日詔諸路州縣管內寺觀各為道君皇帝
寧德皇后修建道場七晝夜仍令諸州縣禁屠宰三日
正月二十七日詔曰朕惟道君皇帝臨御天下二十有
六年深仁厚澤宇內蒙休惟我庶邦之人自幼至壯由
壯及老仰事俯養恩固有歸遭值厄運遠狩沙漠風露
區薄春秋寢高遂至大漸比因回便忽奉崩闕寧德皇
后亦已上仙頌裂于中哀迷在疚凡曰在生孰無父母
念我王室寧不盡傷載為海上之盟本出極民之計變
生不測翻以階禍越自纂承嘗瞻思奮枕戈講武實圖
奉迎以伸子養永懷莫逮抱痛終天已遣使人奔問諱

日請還梓宮皇天上帝悔禍之延以時來歸卜宅陵寢
想惟四海同朕哀誠應見禁罪人鬪殺劫殺謀殺減一
等刺配千里其餘死罪情理輕者奏取指揮流罪以下
遞降一等杖罪以下釋之

同日太常寺言勘會今來道君皇帝寧后寧德皇后升
遐已降指揮擇日奏告尋闕太局選用二月二日甲
午吉今比附到排辦事件下項 一合用祝文一十五

首並述以道德皇帝寧后崩泰告之意並乞下學士院修撰書寫進書

一合用御封降真香一十五合乞下內侍省取

降 一奏告宗廟奏告官係降勅差宗室南班官乞就

差五饗獻官 一奏告天地社稷所用神位版并鋪設

祇應人下太史局差 一逐處各合用奉禮郎太祝太

官令共九員乞下平江府差一合用幣帛共一十五

段各長一丈八尺小尺內二段乞下戶部行下左藏庫

支供一逐處合用酒脯禮料神席縮酒茅等下平江

府排辦詔依自後凡遇請降祝文學士院修撰書寫御

正月二十八日詔平江府為道君皇帝升遐寧德皇后

上仙應在府城裏內外諸寺院自指揮到日為始共聲

鐘一十五萬杵

正月三十日太常寺言勘會今來道君皇帝寧德皇后

升遐奏告天地奏告官一員乞差宰執奏告太社太稷

奏告官一員乞差從官詔依

几筵

紹興七年正月二十五日太常寺言契勘今來道君皇

帝寧德皇后二位几筵欲做景靈宮分前後殿設帷詔
侍梁邦彥

正月二十六日內侍省都知梁邦彥言今來几筵殿每

日三日逐七合七百日即未審合如何作道場其僧道

尼各若干人數詔每日差僧道各三十五人啟建道場

一月三日作水陸齋首七作黃籙醮二七作大會已後

逐七以水陸黃籙齋醮相間排設

同日尚書省劄子幹辦天章閣江諮中準差王管道君

皇帝寧德皇后几筵續差收神帛羅二遐未審使於二

位倚子上安設唯復且收奉乞降下遵守太常寺勘會

今來神帛合便修結於各位倚上安設劄下照會施行

三月三日禮部太常寺言將來移躡建康合行欽奉道

君皇帝寧德皇后几筵前去所有公路水陸合行典禮
劄付禮部太常寺討論申尚書省令討論下項 一乞
進發前一日車駕詣几筵前行禮奏告之禮 一至日迎
奉几筵於禁衛內御舟前進行 一合修製輦輿繖扇
并執行從物之類指揮所屬隨宜修製仍乞御輦院御
龍直指說制度名件 一合差擎輦輿官下御輦院計
會本殿合用人數差裝著儀注全 一水路合用大船二隻
其船內令儀鸞司各設幄一座奉几筵 一陸路乞於
排頓處御幄側乞令所屬別設幄一座安奉几筵二位
一合差禁衛圍子並執行繖扇從物諸色等人乞令
主管禁衛所量人數分擘那差並乞別作色號 一至
日迎奉几筵進發乞令几筵提舉欽奉官燒香捧遷升

輦輿其合用香二合令入內侍取降付本殿供燒建至
康府安奉 一經過州縣隨宜排祭一座所有僧道並
不得過百人縣並不得過六十人供養止用素食 一
沿路奉迎祭奠儀其日禮生預生長吏以下並權易皂
角帶詣城外俟几筵船將至立班定班首已下並再拜
訖班首詣香案前指笏上香再上香三上香路一奠茶
三奠酒執笏俛伏興復位立並再拜訖少立俟几筵船
過班退如值雨降 詔依沾濕免拜

二月二十一日太常少卿吳表臣言今來迎奉道君皇
帝寧德皇后几筵於禁衛內御舟前進行所有每日早
晚上香如官中之儀今欲參酌下項 一水路每日早
御舟先詣道君皇帝几筵船燒香畢升舟次詣寧德皇

后几筵船燒香至晚宿頓如之 一陸路每日早皇帝
升輦先詣道君皇帝寧德皇后几筵前燒香畢升輦進
行俟至宿頓燒香如上儀訖升輦歸御幄詔依
三月十四日宰臣張浚等奏將來道君皇帝寧德皇后
卒哭大小祥欲率百僚詣几筵殿燒香詔依

赴臨

紹興七年正月二十五日尚書省劄子太常寺言檢會
紹興元年故事未成服以前在京文武百僚諸司長吏
以上及近臣列校每日朝參官以上朝脯臨並於宮庭
如排立不盡隨宜趨那於宮門外仍乞應合赴臨官並
易角帶去飾劄付太常寺依所乞

同日尚書省劄子太常寺中令有合行申陳下項候指

揮令送太常寺照會疾速施行 一至日設位去處合
用倚卓座子踏床褥子花瓶麻爐契食茶酒果香器四
等並百官朝脯臨合用香案麻爐匙合炭火等物並乞
下梁都知委官排辦一百官朝脯臨儀百官預於幕次
俟引班入立定班首已下再拜訖次引首班詣香案搯
笏三上香訖出笏復位舉哭哭止再拜訖退內幕火乞
下儀鸞司排辦香訖令平江府供應
同日禮部太常寺言今參酌到聞喪恤禮初發國書自
當日皇帝不視事擇日成服自聞喪至小祥百官朝脯
臨自小祥至禫祭朝品臨詔依
同日尚書省劄子檢會祖宗累朝舊制喪服以日易月
在外三日而除合照應施行外契勘行在除朝參官以

上合赴朝晡臨諸軍統制統領官輪日赴臨並成服其餘將副並部隊將管隊使並散使臣陞朝官以上及將校尉副指揮使以上常服哭於本營三日而止其常日朝殿祇應排定立行禁衛班直將校副指揮使以上並御前忠佐候百官赴臨即哭於殿門外應士庶婚嫁三日服除外不禁劄付太常寺

正月二十七日尚書劄子太常寺狀勘會留守司並臨安府係是行宮所在即非在外其朝晡臨合通二十七日劄付禮部疾速施行

正月二十八日宰臣張浚等言據太常寺申契勘陰陽家每過辰日忌哭今來羣臣朝晡臨若過辰日未審合與不合舉哭詔辰日不得忌哭

二月五日尚書省言武臣保義郎以上見赴臨今來過小祥若依前盡行赴赴切慮軍務相妨詔修武郎以上依舊赴赴餘並免

立重

紹興七年正月二十五日太史局言權太常少卿樓照等劄子勘會依故事成服日立重今來即與故事不同欲乞自聞喪次日立重今太史局就日擇時安立奉聖旨詔依本局今選定破服立重於正月二十六日戌子吉內擇吉日宜用其日兩時破服立重並吉并選定收髮掛服吉日宜用正月二十七日己丑吉時宜用當日庚時吉詔依

成服

紹興七年正月二十五日尚書省劄子權太常少卿樓
照等言今檢照永昌永熙陵故事皇帝服布料中四脚
裙袴帽竹杖腰經首經直領大袖布襪衫白陵衫視事
日去杖經小祥日改服布四脚直領布襪衫腰經布袴
大祥日服素紗軟脚折上中淺黃衫黑銀帶謂去杖首經劄
付內侍梁都知疾速製造

同日太常寺言檢會永熙陵故事擬定群臣服並係斬
衰中書門下樞密使副尚書翰林學士節度使金吾上
將軍文武二品以上布斜中四角大袖襪衫裙袴腰經
竹杖絹襪服頭冠文武五品以下并職事官監察御史
以上內容省使招宣知閣門事前殿及入內都知押班
布頭冠襪頭謂四脚大袖襪衫袴腰經自餘文武百官

布襪頭謂四脚襪衫腰經內外命婦合入臨人布裙衫

帔無帔人首經絹襪衫襪頭又參酌永熙陵故事軍人

百姓等白衫紙帽婦人素縵不花釵三日止勘會祖宗

累朝舊制喪服以日易月在外三日而除舊未沿邕州
軍不許舉哀緣諸大帥各係國家腹心牙爪之臣休戚
一體至於將佐皆懷忠憤合就所屯軍處自副將而上
成服晡臨其餘部隊將管隊使臣并散使臣陞朝官以
上及將校副指揮使以上並常服哭於本營三日而止
應士庶婚嫁三日服除外不禁詔依

同日太常寺言先已參酌故事擬定群臣喪服所有建
國公合依二品以上官服緣建國公年未及冠按禮經
童子哭不依不踊不杖不菲不廬注云木成不能備禮今參酌

欽依所定二品以上服制內除去冠杖兼建國公未服朝謁所有朝晡臨亦不合趨赴詔依

同日太常寺言檢會景德元年故事係皇帝成服後未聽政前百官並詣萬安宮進名起居俟將來皇帝成服後未聽政前百官並詣行宮殿門進名起居詔依

同日尚書省劄子權太常少卿樓照等劄子檢會紹興元年故事製造孝服係差越州通判一員曹官一員同製造孝服官製造給散今欽依上件故事下平江府委官施行劄子平江府依所乞疾速差委施行

同日尚書省劄子太常寺申會本府官員將校若依別州軍聞詔日便成服切慮駐蹕去處事不同亦欽聞詔日便置神位舉哀候成服日官員將校各行掛服本寺

契勘欽依行在百官舉哀成服日令本府官員將校舉衣成服三日而止候指揮劄子平江府依劄子內事理施行

同日太常寺言檢會紹興元年故事其御前禁衛行門班直親從快行親事鞏官皇城司親兵等自成服日並服青紫或褐衫帶子如遇殿朝亦服之至釋服日並依舊今來欽依上件故事施行詔依

正月二十六日權太常少卿樓照言合州防禦使據言年八歲防禦使係五品今所定五品官制緣係總角欽依五品官孝服內除去布頭冠幘頭止服襴袴腰絰既未赴朝謁即無合行禮數詔依

同日尚書省劄子權太常寺少卿樓照等劄子檢會明德

皇后故事 中書樞密院主事以上及禮官亦服齊衰
慈聖獻皇后故事 三省樞密院主事以上并禮直官及
引班人並曾製服今乞依故事施行 太常寺供到三省
樞密院主事以上係主事以上有官人 其引班人並係御
引太常寺開門 劄下平江府照會疾速施行

同日太常寺言 勸會將來皇帝成服祭奠行禮節次及
行事件今具下項 一合用香案香爐盤盞奠茶酒盃
子盃臺等並乞下提舉欽奉所排辦 一合用御帷施
簾於几筵殿側隨地之宜并合用御座拜褥並奏請拜
褥百官幕次並下儀衛司排辦 一合用祝文二首述
以皇帝為道君皇帝寧德皇 一合差讀祝文官一員乞
后崩成服訖行發奠之意 於史官內差 一合用御封降真香二合 一合差侍

香並進茶酒捲簾執燭舉祝版內侍下入內侍省量
人數差充 一合差定時勉擇官二名下太史局差

一合差前導太常卿一員並贊引太常卿博士一員乞

令本寺官充詔依以日易月大小祥禫祭安神卒哭寧

禮奠損啓損啓奠祖奠遣奠禫禫祭等所設御帷拜褥
等並令儀衛司排辦并所差讀祝文官及侍香進茶酒
捲簾等內侍並贊前導太常卿並贊
引太常卿博士並做此更不重載

正月二十七日尚書省劄子樓焯等申契勘內侍官除
龍德舊官祇應人自合依今來所定官品服制其餘內
侍官並合服淺淡色依如青皂褐色之類劄下入內內
侍省依劄子內事理施行

正月二十八日留守司劄子權太常少卿樓焯等申按
禮記曾子曰三年之喪卒哭金草之事無辟也者禮

與孔子曰昔孝魯公伯禽有為之也

注云伯禽封于魯徐戎作難喪卒哭

而社之急

即無易服之文唯春秋記晉襄公始有墨練

之制今來百司成服休務之後便合入局治事即未審
合從事何禮制候指揮侍從官講議到儀禮閱子騫腰
經從事則古文執喪未嘗易服也國朝以來遵用此制
今若遵守祖宗舊制喪制之內入局不易服無可疑者
劄送太常寺照會施行二月四日太常寺言檜會永昌
陵故事皇帝視事日去杖經服斜巾垂帽小祥日改服
布四脚直領布襴腰胫布袴二品以上官亦如之本寺
今討論欲乞俟皇帝視事日宰臣奏事合去杖至小祥
日去冠餘官奏事依此又言乞禫除畢服常服群臣皆
黑帶卒哭始純吉服詔依

二月五日尚書省劄子太常少卿吳表臣等劄子勘會
群臣孝服已討論外所有大祥臨訖禫致內所服今參
酌永厚陵故事大祥臨訖裏素紗布軟脚幘頭鞞布公
服內帶合用白鞞錫帶緣日逼難以製造乞權以布裏
黑帶其公服幘頭依造孝服禮例令平江府製造其布
裏帶逐官自辦所有御史臺閣門太常寺引班人亦合
依此製造右除幘頭令平江府製造外其鞞布公服布
裏黑帶每員支布一疋半自行製造劄付禮部施行
二月七日禮部中准都省批下太常寺申檢會祖宗故
事啟櫛宮並宮發引日百僚並服初喪服將來迎奉梓
宮到日其百僚亦合服初喪服切慮百僚不知前項故
事乞劄付所屬施行後批依所申成服

成服行禮儀

其日皇帝自內詣道君皇帝寧德皇后几筵殿頃御幄
即座簾除俟時至禮直官太常博士詣太常卿當幄前
俛伏跪奏太常卿曰某言請皇帝為道君皇帝寧德皇
后成服奏訖伏興太常卿太常博士並權退易服皇帝服衰服文武百
僚於殿門外俟時易服訖入詣殿門外內立班定禮直
官先引讀祝文官詣道君皇帝香案之西東向立俟皇
帝服訖閣門報班齊簾捲禮直官太常博士太常卿前
導皇帝出幄詣殿下西向褥位立奏請拜皇帝再拜在
位官皆再拜訖禮直官太常博士太常卿前導皇帝并
詣道君皇帝几筵香案前奏請上香再上香三上香跪
內侍進茶酒又奏請執盞酌茶三奠酒俛伏興奏請

請少立讀祝文官東向跪讀祝文禮直官先行讀祝文
官詣寧德皇后几筵香案之西東向立奏請皇帝舉哭
在位官皆舉哭俟哭止奏請拜皇帝再拜在位官皆再
拜訖前導皇帝詣寧德皇后几筵香案前行禮並如上
儀訖前導皇帝降階復坐西向立又奏請拜皇帝再拜
在位官皆再拜訖前導皇帝歸幄前導官退歸本班次
宰執率文武百官詣皇帝御座前東向立班奉慰再拜
訖次宰執升階入御幄致詞訖降復位再拜訖皇帝還
內百官以次退

中興禮書第二百三十七卷

凶禮二

永祐陵

停祭

紹興七年正月二十五日禮部太常寺言今來聞喪恤禮自發哀至祔廟停宗廟祭饗并中小祠及禁樂詔依正月二十九日龍圖天章閣奏勘本閣內中神御殿每過旦望節序后生辰酌獻祇備駕詣行香闕會到太常寺稱禮典故事內止該載停宗廟祭饗並中小祠及禁樂詔依祀即不該載本閣神御酌獻禮數本閣合于人正月二十九日龍圖天章閣奏勘本閣內中神御殿每狀昨昭慈聖獻皇后本閣神御殿依舊酌獻詔候過大

祥依舊酌獻

二月一日禮部太常寺言檢會國朝會要乾興元年三月十二月元德皇后忌十五日明德皇后忌禮官言二忌在真宗易月禫制之內其進名行香望權停從之今來二月九日昭懷皇后忌十六日欽成皇后忌十九日真宗皇帝忌除依巡幸禮例不奉慰外其行香緣皆在道君皇帝寧德皇后易月禫制之內望依故事權停詔依

二月十日行宮太常寺言已降指揮自發哀至祔廟停宗廟祭饗並中小祠契勘仲春薦獻諸陵并昭慈聖獻皇后櫬宮及以後祭祀天地諸大祠於前項指揮別無該載及合依舊舉行緣今來係在未釋服之內今檢會

永定陵故事乾興元年十二月二十日禮儀院言準禮例未除服前祭告祀祠行事官權改吉服禮畢仍舊今欲上件故事施行內祀祭天地及諸大祠亦乞依時日排辦詔依

二月十四日龍圖天章等閣言契勘內中祖宗神御殿每遇旦望節序帝后生辰酌獻已奉聖旨候過大祥依舊尋會到太常寺稱若以日易月即大祥係二月十九日實數係紹興年正月二十五日詔自二月十九日已後依舊酌獻

禁樂

紹興七年正月二十九日權太常少卿樓炤等言檢會祖宗故事喪制禁樂禮例不同或三日或七日或百日

又有釋服之後勿禁今雖已降指揮自發哀至耐廟禁樂除内外品 並合禁樂二十七日在外州縣禁止三月沿邊軍中及在內諸軍軍行教閱不禁詔依

四月二十一日臣僚上言竊惟陛下自聞道君皇帝寧德皇后諱問哀毀踰制雖勉從群臣所請外外廟以日易月然至今追慕不已於宮中見執三年之喪逐日御朝衣服淡素扇篋儀物皆非采色孝思彌篤前古帝王帝不能及也臣比因上殿又曾面奏乞百姓禁樂三年親聞德音以謂禁固當然但念細民有以樂為業者無已得依食臣聞斷一木殺一獸不以其時古人謂之非孝陛下哀憫元元唯恐一夫失所推此心以往孝德大矣願

臣卑隘何足如此臣伏見禁樂已依太常寺所申仍有指揮將來百日大小祥並御殿諸路州縣禁作樂及屠宰一日臣愚欲乞前後並禁三日所以然者聊以表臣民未能遽忘道君皇帝寧德皇后恩德之深亦以上副陛下三年追慕之情甚非難行之事奉聖旨令禮部太常寺討論聞奏檢會祖宗故事大小祥廢朝並進禁樂屠宰執禮例不一有五或七日或十五日其卒哭日禁樂屠宰於故事即無該載今看詳卒哭日欲乞且依已降指揮施行外所有將來大小祥合行禮數乞從太常寺各於前期參酌條具施行詔大小祥合行諸路州縣禁樂七日屠宰三日

十一月十七日禮部太常寺言已降指揮聖文仁德顯

寶華堂
孝皇帝顯肅皇后神主祔廟于小祥前卜日今檢會故事啟攢至祔廟禁在京音樂今欲乞自十一月二十七日迎重立虞主日禁止行在行宮音樂至十二月十日祔廟畢仍舊詔依

十一月二十二日禮部太常寺言紹興八年正月二十五日聖文仁德顯孝皇帝顯肅皇后小祥日已降指揮諸路州縣禁樂七日屠宰三日其行在行宮未有該載欲比附永昭陵故事禁樂四十五日禁屠宰一十日乞自紹興七年十二月二十五日至紹興八年二月十日禁樂并自紹興八年正月二十一日至二月一日禁屠宰詔依

八年十一月四日禮部太常寺言勘會將來大祥依國

朝故事在京與府畿合行禁會檢衛永昌陵故事治平二年正月九日詔以大祥京師自二月一日府畿自三月一日禁樂至四月十五日係京師禁樂七十五日府畿四十五日所有將來徽宗皇帝顯肅皇后大祥禁樂欲依永昭陵故事行在自十二月一日禁樂臨安府所屬諸縣自來年正月一日禁樂並至二月十五日詔依

十二年六月二日禮部太常寺言勘會今來迎護梓宮赴行在依紹興九年已降指揮梓宮到東京日其行在并東京並禁音樂至掩皇帝畢仍舊所有將來梓宮至行在禁樂日數欲乞俟梓宮到日禁止行在音樂至將來發引掩攢畢仍舊詔依

大小祥禫祭

以日

紹興七年二月一日宰臣張浚等百官上表請皇后依

故事以日易月之制至是七上表方允所請三年之喪

朕不忍廢卿等以軍旅為言至也宋史知鄧州胡

寅上執謙德用日易月至今天子至子以庶人一也及漢

天自執謙德用日易月至今天子至子以庶人一也及漢

不可使身忘其君心知其非而不敢改自常禮言之猶且

皇不帝大行寧德皇太后蒙慶北狩永訣不復實由枯

有不共戴天之讐之考於禮制不復實由枯

于無時而終君臣以然者天下雖大萬事雖衆皆無以

行遺詔以日易月臣切以為非矣自常禮言之猶須有大

人之是以日易月臣切以為非矣自常禮言之猶須有大

陛下備正棺槨北茶知在何所難堪沙漢之末能為守

年為對不徐然以終身不除服猶當革漢之末能為守

薄之中又加薄焉必非聖人之所安也人曰雖安憂三
祀而軍旅之事皆當決于聖裁則諒闇之典有不可舉
蓋非執塊無間之日是乃枕戈有事之衣故魯侯有周
公之喪而徐夾並與東鄰不討則幾之眾哀臨朝非
其誓命今大帥戎嚴方將北討萬幾之眾哀臨朝非
下聽斷乎決得禮之變卒災之後以墨衰臨朝非
子所取其可無疑也如合聖意便乞直降詔旨云恭惟
太上皇帝憲德皇太后慈育眇躬大恩難報故酬云
未一伸不鑿與遠征惟至大故計音之雖至痛貫五情
慈願者不復見怨惟至大故計音之雖至痛貫五情
諒闇然衰麻枕戈非異人任以日易月情中外昭示
朕躬致喪三年即戎衣墨况有權制布告中外昭示
懷其合行典禮今當以司集議來上如罪陛下親使
人中降出一新四方耳目以化天下願
地神明亦必有以佑助臣不勝大願

二月三日權太常少卿樓照等言已降指揮從百僚所

請服制以日易月所有初七係小祥十九日係大祥二

十一日係禫祭除日契勘大小祥禫除依禮經合有祭

告之禮今欲乞過前項日依做禮經皇帝親行祭奠之

禮並不成服之儀更合取自朝廷指揮勘會已降指揮
宮中行三年之喪將來實及大小祥禫日自行依禮經
致祭所有今來以日易月其祥禫之節係府同百官亦
合致奠如成服之儀詔依

二月四日太常寺言服制以日易月所有小祥大祥禫
祭除日皇帝親行祭奠之禮今先次條具到合行事件
下項 一逐次合用香案爐盤盞茶盞托奠茶酒盃子
盆臺燎祝柴草等並乞下提舉欽奉所指揮所屬排辦

一合用祝文六首

二首述以禫除日行祭奠之意 御封降真香六合詔依

二月七日道君皇帝寧德皇后小祥皇帝行祭奠之禮

于帷奠自小祥大祥至禫除從臣僚 二月六日尚書省

劉子行宮禮部太常寺申已降指揮過成服大小祥禫
群臣皆奉慰切緣行在用聞喪恤禮合至二月十九日

係大祥日二十一日係禫除日其行宮正月二十七日

係聞日合至二月二十一日係大祥二十三日係禫除

合欵令行宮留守司文武百僚預於二月十七日候朝

臨畢於尚書省中書門外拜表奉慰所貴應期投進所

有行宮合至大祥釋喪服制禫除釋黻常服止以聞日

為始候指揮劉付行宮禮部太常寺依所申施行

二月十九日道君皇帝寧德皇后太祥皇帝行祭奠之

禮于帷殿是日宰臣張浚奏曰日月不居外朝喪禮已

及大祥伏惟聖情追慕難堪上曰胞朕抱沉痛迫於卿

等力請勉于外朝從易月之制使朕終身不釋喪未足

稱朕追慕之意也

大小祥祭行禮儀

其日御史臺太常寺閣門引文武百官詣殿門立班定
 禮直官先行讀祝文官詣道君皇帝几筵香案之西東
 向立禮直官太常博士太常卿于幄前北向立候皇帝
 自內服小祥之服大祥服大祥之服詣几筵殿側入
 御幄即座簾降閣門報班齊禮直官太常博士引太常
 卿當幄前俛伏跪奏太常卿臣某言請皇帝為道君皇
 帝寧德皇后小祥日行祭奠之禮大祥日行祭奠之禮
日即奉云禫除日行祭奠之禮奏訖伏興簾捲禮直官太常博士太常
 卿前導皇帝出幄詣殿下西向禱位立奏請拜皇帝再
 拜在位官皆再拜訖禮直官太常博士太常卿前導皇

帝升詣道君皇帝几筵香案前奏請上香再上香三上
 香跪內侍進茶酒又奏請執盞酌茶三奠酒俛伏興奏
 少立讀祝文官東向跪讀祝文訖禮直官先引讀祝文
 官詣寧德皇后几筵香案之西東向立奏請皇帝舉哭
 俟哭止奏請拜皇帝再拜在位官皆再拜前導官前導
 皇帝詣寧德皇后几筵香案前行禮並如上儀訖前導
 官前導皇帝降階復位西向立又奏請拜再拜在位官
 皆再拜訖前導官前導皇帝歸幄簾降前導官退歸本
 班次宰執率文武百官詣御幄前東向立班奉慰再拜
 訖次宰執升階入御幄致詞降復位再拜訖百官退皇
 帝還內

釋服

紹興七年二月十二日尚書省劄子太常少卿吳表臣劄子檢會永昭陵故事太常禮院言皇帝釋黹常服常服群臣如之宗室出則常服居則衰麻以終喪從之今欲依前項故事宗室合隨群釋服外仍各合依服屬終喪劄下太常寺劄子內事理施行

二月十七日尚書省劄子太常寺少卿吳表臣等劄子已降指揮禫除畢服常服群臣皆黑帶卒哭始純吉服本寺檢會章獻明肅皇后明道二年禮院言二十七日禫畢常服群臣皆黑帶卒哭純吉服今來文武百僚合俟二月二十一日釋服依工件故事止該載黑帶即無佩與不佩魚之文今參酌釋服之後服常服黑帶已是不盡飾自行佩文魚劄付禮部依劄子內所陳事理施行

同日尚書省劄子太常少卿吳表臣等劄子勘會今來百官掛服至大祥日行事畢合服禫服至禫除日合服常服其百官易服去處今參酌欲乞十九日大祥日百官服孝服俟陪位訖職事官歸幕次換皂頭巾服禫服出皇城門餘官於皇城門外易服二十一日禫除日百官服俟陪位訖職事官歸幕次換章服黑帶出皇城門餘官於皇城司門外易服劄付太常寺依劄子內事理施行

四月二十五日禮部言都省批下行宮太常寺申安定郡王令廣心等劄子禮部連到檢會祖宗累朝舊制節文喪服以日易月在外三日而除應士庶婚嫁三日服除外不禁契勘宗室男女婚嫁未有明降指揮欲望降

下遵守勸會昨據行宮太常寺中到上件事理送禮部
行下太常寺看欵依已降指揮各合衣服屬終喪今再
看詳昨昭慈聖獻皇后禮例係園陵故事候祔廟畢許
令宗室男女婚嫁並不分服屬遠近切詳今來道君皇
帝升遐寧德皇后上仙即與昭慈聖獻皇后園陵事體
不同欵乞依已申事理令宗室宗女各依服屬終候喪
日許令嫁娶詔依

卒哭

紹興七年三月二十六日御藥院言昨昭慈聖獻皇后
卒哭大小祥依惠恭皇后故例排辦修設下項設大齋
會一中見錢七百貫設浴看經下項並以絹折設浴一
會錢五十貫九幽拔罪經二藏每藏錢二十貫金剛經

度人經各二藏錢四十貫文奉聖旨除九幽拔罪度人
經更不看轉外餘依故例排辦修設仍令在藏庫支供
所有將來道君皇帝寧德皇后卒哭大小祥會到太常
寺依禮例會實理月日修設詔依故例排辦

四月十三日太常少卿吳表臣等言五月五日卒哭除
行在已指揮是日作休務假宰執率百官詣几筵殿燒
香緣行宮未有該載欵乞至日行宮留守率百官詣佛
寺行香畢次詣行宮門外進表奉慰訖退仍作休務假
一日詔依

四月二十一日詔將來道君皇帝寧德皇后卒哭建康
臨安禁屠宰三日

同日臣僚上言竊惟陛下自聞諱問哀毀踰制雖勉從

群臣所請外朝以日易月然至今追慕不已故於宮中見執三年之喪逐日御朝衣服淡素扇篋儀物皆非采色孝思彌篤前古帝王不能及也臣前後累曾論奏乞群臣亦服淺淡去飾陛下深念三年之喪廢之已久今已禍變非常哀痛固極但欲躬行以盡人子之孝不欲群臣皆行故令群臣見今止是服黑帶佩魚至卒哭日皆純吉服今來卒哭將近恭料陛下雖經卒哭御朝畢且如今日服飾群臣皆可使純吉服欲乞卒哭後群臣且服黑帶以俟梓宮之還當候小祥別降指揮奏聖旨令禮部太常寺討論聞奏今討論欲依將來祔廟畢純吉服若依今來討論到事理其行宮亦合依此詔群臣候祔廟畢純吉服

四月二十四日行宮太常寺言留守司劄子五月五日卒哭行宮留守率百官詣佛寺燒香畢次詣行宮門外進表奉慰本寺契勘欵于四月二十五日預行拜表所有修撰表文並拜表節次乞依旦望拜表禮例施行兼契勘至日先拜起居表訖次拜卒哭奉慰表詔依五月一日太常少卿吳表臣等言勘會將來道君皇帝寧德皇后卒哭已降指揮是日宰執率百官詣几筵殿燒香本寺今欲乞是日俟燒香畢次詣常御殿門外進名奉慰詔依

五月四日行宮太常寺言勘會五月五日卒哭依指揮於法惠寺殿上東西設位牌至日行香畢其位牌合行焚燒今參酌比附祔廟除畢徹位禮例修立到儀注其

日行香畢俟太常寺捧道君皇帝寧德皇后二位牌降階至樞星門外御史臺閣門太常寺引班首先立東西班回班南向立禮直官引留守於香案前南向立有司舉大焚燒次禮直官贊留守指笏跪奠茶執笏俛伏興又禮直官揖躬拜留守再拜在位官皆再拜訖少立次退內寧德皇后位牌合用黃羅帕一條自方五尺蓋覆并黃絹帶子二條及合用香案花瓶麻爐茶盞托下臨安府排辦若值雨欲依忌辰例于廊上立班詔依

請聽政

紹興七年正月二十八日宰臣張浚等請入奏事上遣御藥趙輒宣旨曰知欵奏事以荒迷中未能裁決庶政兼不知祖宗故事當有比否恐今日行之便為典禮臣

浚等復奏曰祖宗故事未聽政之時大臣亦得進見今日臣等非敢奏事實以累日不侍清光昨晚成服伏見主上哭踊過哀不勝憂懼竊欲一望天表少伸悻悻之誠輒入奏復宣旨曰深欵一見群臣誠以哀迷未能支持借或相見不過慟哭而已浚等流涕奉詔

二月二十日尚書省劄子權太常少卿樓照等劄子檢會真宗皇帝故事乾隆元年二月十九日崩二十一日上表請聽政不允至二十三日上表二十五日皇帝聽政於崇政殿之西廡廊下簾幕皆縞素宰臣升殿奏事如舊儀其日宮中祭告大行皇帝而後聽政焉本寺今欵乞依典故俟皇帝聽政日所有簾幕用縞素劄付禮部依所陳施行

二月三日太常少卿吳表臣等言契勘將來皇帝聽政

如係未釋服以前其引班人若行弔臨之禮即依舊且服衰絰若遇內殿引班奏事即合服常服內繫頰帶人即易黑帶詔依

二月五日張浚等率群臣上表請皇帝聽政不允至是五上表內批俟過小祥於几筵之側權請設素幄許輔臣奏事緣今月七日已過小祥臣等欲於今月初八日奏事詔依

御殿

紹興七年二月十二日行在禮部太常寺言檢會永昭陵故事禮院奏朔望不御前後殿至祔廟如故從之今參酌欲乞自釋服後祔廟日前過朔望依故事不御前後殿百僚於常御殿門外進名奉慰詔依

二月二十一日都省言勸會群臣近上第三表奏請皇

帝御殿已降指揮所請宜允依故事合行擇日太史局

供到二月二十四日丙辰吉欲用是日御殿詔依二月

四日皇帝始御使殿表仗在廷上御淺色衫遠望之純素羣臣莫不感動

二月三十日詔曰道君皇帝寧德皇后喪制近雖從群臣所請外朝以易易月而朕躬行三年之喪將來百日大小祥並不御殿作休務假諸路州縣禁作樂及屠宰一日

十二月十三日閤門言近申請徽宗皇帝顯肅皇后祔廟畢日後過朔日不值殿伏乞朝廷速賜指揮太常寺檢永昭陵故事朔望不欲前後殿至祔廟如故今來已祔廟畢所有朔望不值假合依前項故事施行詔朕宮

中行三年之喪朔望御殿情實不安可並依舊

中興禮書第二百三十八卷

凶禮三

永祐陵

議謚

紹興七年二月八日翰林學士知制誥朱震給事中胡世將言竊見漢宣帝欲襲武帝詔丞相御史與列侯二千石博士議於群臣大議於庭中所以重宗廟也本朝乾興元年夏定真宗皇帝謚其秋告天於圓丘史臣以為天子之謚當集中書門下御史臺五品以上尚書省四品以上諸司三品以上於南郊告天議定然後連表以聞近制唯詞臣撰議即降詔命庶僚不得參聞頗違稱天之義故仁宗上仙翰林學士王珪請詔有司詳

舊典之之郊而後下臣而議震等謹案曾子問曰賤不誅貴幼不誅長禮也唯天子稱天以誅之則請謚於天告於南郊其說為是然公羊說讀誅制謚於南郊若云受之於天然則讀之者似非所議也蓋謚成而讀之耳今震等故乞如漢故事前期三日報中書門下尚書省御史臺諸司當集議官某日會于尚書省集議其議狀或各為之或三五人共為之議定震等集其說為謚議連表以聞然後擇日集官於南郊為壇告天讀之納諸太廟庶幾道君皇帝之謚有以信萬世之傳詔依仍于今月十一日集議其狀令五日內申尚書省
二月九日太常少卿吳表臣等檢會昭慈聖獻皇后故事合集官於尚書省議謚係令侍從臺誅以上集謚六

曹郎以上書謚今來集議道君皇帝寧德皇后謚號除禮部太常寺官依禮例合赴外所有集議日分并某官已上趁赴伏乞朝廷指揮詔監察御史已上趁赴
月十二日命參知政事陳與義撰道君太皇太后上皇太后書院事沈與求纂修文冊近八日太中大夫試吏部尚書院事沈與史館修撰孫近等集議請上通君太皇太后書院事沈與仁德顯考皇帝廟號徽宗諡恭愍皇帝曰恭惟道君太皇太后上皇太后書院事沈與能席躬上皇之資承列聖之緒依廟大度臨機獨斷故天地之無不覆載如三辰之無不照臨于時有六載如禮樂之定南北之郊考萬年之阿九室之制以嚴宗祀之配廣己方且格殊育才之區宇革染之美昭補堪興之及物之表則人有美而居矣非堯舜之器而高蹈之萬物之表則人有美而居矣非堯舜之器而軒台之故慕下之議者非動眾美而歸之不足以及其有髮也謹按法窮理盡性曰聖經緯天曰顯慈惠愛親

曰孝若乃才本天縱學窮道妙藻思粹發大慮通達
非至聖乎貴戚以明上下以治衣被四海黻成章非
至文乎協氣充塞為大和後昆非至顯乎尊祖
尊稱非至德乎宜氏宜八燕及後昆非至顯乎尊祖
宗傳教九族非至孝乎夫徽者美之也陽生于其
美盡于東南陰生于其美極于西北天地之美豈一
日之精哉我國家聖相新至道君太上皇帝繼明
而治然後聲明文物治辦之極可謂至美也已禮祖有
宗而功有德請上道君太上皇帝尊謚聖文仁德顯孝
皇帝廟號曰徽宗近等謹議

二月二十一日太常少卿吳表臣等言今來道君皇帝
后謚號已集官同共具議狀中朝廷訖已降指揮合差
撰謚議官詔差翰林學士朱震

四月六日太常少卿吳表臣等言今來道君皇帝寧德
皇后謚號已下檢會國朝故事永昌永定陵奉謚冊寶
告南郊永昭永厚陵以謚議于南郊諸后皆奉謚冊寶
告于廟所有將來道君皇帝欲乞依昭厚陵故事謚議

請于南郊寧德皇后謚欲乞依諸后故事奉謚冊寶告

于太廟詔恭依宋會要四月十日禮部太常寺言依故

了日合稱聖文仁德顯孝皇帝廟號永昌永厚陵奉謚冊寶

肅皇后

四月二十六日禮部太常寺言今參酌將道君皇帝謚

議請于南郊合行事件一合用御封降真香一合蒼

幣一迨祝文一首謚于以道君皇帝請一請謚行禮日

依禮制皇帝前後殿不視事是日百司休務假一日

一檢會永昭陵故事請謚于南郊太尉群臣宿齋于

尚書省宗子于都亭驛今欲乞前一日太尉宿齋于尚

書省讀謚議等行事官齋本司陪位官至止日赴赴所

有逐合行慕次等並下議鷹司同建康府排辦一合

用神位版下太史局排辦并差學生供設祇應 一俟
朝廷降謚議于太常寺收掌請謚前一日於設位處令
鸞儀司設帷安奉合用謚議匣案衣下建康府制造
一依故事請謚畢歸齋宮列名上之即不該載甚官已
上若以應陪位官列名竊慮員數稍名敬乞以文臣監
察御史已上并禮官武臣大夫已上書名上之內書奏
乞依昨昭慈聖獻皇后禮例下考功施行 一奏告合
用酒鹿脯鹿鷄茅燎草蠟燭香爐炭并藁括藉祭器席
等並乞下建康府排辦 一行事太尉讀謚議官舉謚
議官奉禮部太官太祝令並服祭服外應陪位百僚並
服常服立班詔依
六月十一日禮部太常寺言已降指揮道君皇帝謚議

請于南郊合行差官 一率群臣請謚號于南郊合差
攝太尉一員依故事係差宰臣一合差讀謚讀官一員
差侍從舉謚議官二員乞差六曹郎官奏告奉禮部太
祝太官令各一員乞差六曹郎官並乞降勅差官其陪
位群臣依禮例是日合權易吉服立班俟禮畢依舊詔
依

六月十八日攝太尉宰臣張浚奏謹率羣臣詣南郊道
君皇帝謚議曰臣聞漠然無際萬物資之以有生者謂
之天代天理物而天下宗之以為王者謂之帝在昔放
勳重華帝之盛者也降及二代夏十有七君商三十五史
皆謂之帝豈二帝三王時雖不同而代天理物無二道
歟夫易名之義必讀之郊于以告上帝者人君處天位

治天職上當天意而後謚之則將公萬世而傳之矣恭
惟道君皇帝躬睿主之資纘列聖之緒有懷斗載于之
異協瑤光貫月之祥粵其潛德未升合章不耀而行安
節和之譽固已播于諸侯宗藩聞朝廷列位矣秦陵上
賓入繼大統謳歌所歸景命有僕皎然如清風戒旦而
白日登隱然如春雷出地而幽蟄奮方是時也恤鰥
寡存孤獨出德政改製度病者養死者葬老者安少者
懷絃歌之聲徧於四海冠帶之倫被于八荒網罟之所
及耒耨之所布舟車之所至聲教之所被蓋遐邇一體
中外禔福而又覽姬管法營室而總章建備犧象潔牲
牲而清廟修審鍾律而致五聲八音之和正郊祀而定
圓丘方澤之制述五體以齊俗名八刑以糾姦是以在

位二十有六載懷生之類莫不漸漬沐浴太和猶
以為未也而謂僻陋殊俗之國遠絕異黨之域土斷壤
隔正朔未加加之則犯義滅禮外之則渝盟造兵跋踵
之民延頸俟后故弔伐之師行焉夫國者天下之大器
也位者天下之大寶也宣和之末上畏天戒付社稷於
元子視委大器去大位若棄敝蓐然所謂功歲身退有
大美而不居者歟謹按謚法窮理盡性曰聖經緯天地
曰文功施於民曰仁有義可尊曰德受祿於天曰顯慈
惠愛親曰孝若乃游於六藝之圃馳乎仁義之塗脩容
禮園翱翔書圃聖之至也上則三辰全寒暑時下則萬
物感山川寧典章粲然人道大備文之至也德澤滂流
淪浹肌髓故聞諱之日如喪所親塗巷哀聲動天地

仁之至也禋遜之事古人為難自神堯明皇而來皆不
得以盡其美乃斷以社稷之義天地消息之理饗天下
養為天子父德之至也時亨歲貢為下國駿龐顯之至
也仰奉九廟傍睦九旌孝之至也夫徽者至美也大舜
致五典之美謂之徽文王盡文德之美謂之徽大似嗣
大任之美謂之徽蓋總眾美而論一言足以盡之者其
惟徽乎致治之美由前所云可謂致美傳曰允迪前徽
其斯之謂乎且宗者尊之也商之三宗漢之七制皆以
其德可尊是以宗之道君皇帝尊謚宜天錫之曰聖文
仁德顯孝皇帝廟號曰徽宗詔恭依宋會要攝太尉尚
書左僕射張浚讀

謚議官吏部尚書近舉謚議官戶部郎中周奉
郎中薛徽言奉禮部度支部官莊必強太祝祠部郎官
句龍如淵大官今都官郎官馬康國

議謚告于南郊儀

其日太尉并行事陪位文武官僚並赴設位處門外下
馬詣幕次各服其服行事官服祭服陪位官服常服俟有司設權置謚
議匣案褥位於殿下及實設禮料畢御史臺太常寺階
門分引文武百僚入就位次引奉禮郎太祝太史官令
詣陪位班之前褥位次引讀謚議官詣謚議案之後
褥位立次引舉謚議官詣讀議官之後褥位立次引禮
直官引太尉詣殿下褥位立定贊太尉躬拜贊者曰拜
在位官皆再拜訖先引奉禮郎太祝太官令升殿各就
位立定次禮直官引太尉詣盥洗位搯笏盥手悅手執
笏詣爵洗位搯笏洗爵拭爵執笏升殿詣神位前酒尊
所搯笏跪執爵太官令搯笏跪酌酒訖執笏與太尉受

爵訖以爵授執事官執笏興詣昊天上帝神位前搢笏
跪上香再上香三上香奉禮郎搢笏跪奉幣太尉受幣
奠之奉禮郎執笏興詣禋位太尉執爵三祭酒于茅奠
爵執笏俛伏興請少立太祝搢笏跪讀祝文讀訖執笏
興詣禋位立次太尉再拜訖降階復位少立禮直官再
引太尉詣謚議案權置位次引舉謚議官詣謚議案
搢笏跪舉謚議匣興執事者先捧謚議案詣昊天上帝
神位前當中置於禋位訖太尉搢笏興少退於禋位立
次讀謚議案上舉謚議官執笏興少立次太尉執笏興
少退於禋位立次讀謚議官案立舉謚議案搢笏跪讀
謚議訖執笏興降復位舉謚議官奠謚議訖舉謚議匣
興執事者先捧案降階置於禋位舉謚議官舉匣降階

太尉後從至權置定舉謚議官執笏太尉舉謚議官俱
復位立定禮直官贊太尉躬拜在位官皆再拜訖次引
考功郎詣謚議權置位次引次引舉謚議官詣謚議案
搢笏舉謚議以受考功郎官訖執笏退復位考功郎官
受之加於笏上退歸本班次太尉率行事官詣望燎位
立官俟有司燎祝版幣訖退文武百僚以次退其合
書謚議官並歸次考功郎以謚議付本部以俟書奏畢投

進宋會要九月五日文武百僚赴几筵殿奉上帝
上皇帝謚冊實冊文維紹興七年歲次丁巳九月
庚申朔五日甲子辰子嗣皇帝高宗御名謹再稽
首上言曰伏以天道不容形聲而聖人有應世之
德非可擬議而天下有樂推之誠是以堯舜擅明
前禹湯標威王于後自茲以降實為定規夫其鋪
表夫行雖本一人之孝必極萬世之公載於屏載
請于上帝于是有煌煌而不掩巍巍而不可尚對
在天孰有加于此乎大度如漢祖元符之末歷數
仁如湯小心如周王度如漢祖元符之末歷數有歸

以上聖之方膺濟將之命顯昂之姿絕於庶品極勤恤之
社禮免神崇孝悌宗難重學核輕服矣自御宸極勸農
大所治之通不可盡數而舉要言之所由之道至於
氣唯為心本于仁恕樂萬物之遂垂衣拱手於被
釋表而天無事可謂成矣至於神合藝本天縱學由生知
乃國有元儲以時克建前星莫犯少海不搖方豐亨之
禪未居神戒而休勤之非心已定於中宜和未年遂決內
知天六年之一日曠然神機自運獨智不疑至聖人
剛大勇於虎變自五帝以還雖三王之烈不足以
馬運鍾陽九北狩累年以度以自臨多難而
懼謂天悔禍事有還期而長氣書命問存至德復
詔謀而終行於黎神福延所恬不與膏藥之列不
之訓抱負難割之悲實自古無之變雖祥宮之未
古訓廟祐之天祿易大義昭示先世錄遺特進尚書
僕射中書門下平章事燕樞密使都督諸路軍馬
擊詳定一司教令監俗國使南陽郡開國公食邑六千

聖仁德顯揚永安禮闈但高錫拜祚傳于無窮參知政
事陳與義撰冊文松按永樂大典自七千三百四十九
奉謚冊寶及松按永樂大典自七千三百四十九
完具無所刪削而第一卷全載永祐千三百四十九
大載道君皇帝修冊寶撰謚冊諸事疑大典所
條禮書必非一本前卷所據偶脫奉謚冊寶一
條適別本錯出于後卷因特加標目類附于此

紹興七年二月十二日禮部太常寺言勸會道君皇帝
升進依故事合修製冊寶及差官撰謚冊文并書篆冊
寶今參酌下項一修製冊寶二副并治冊寶法物乞
依故事令工部文思院修製一合差撰冊文官書冊

文官篆寶文官詔撰冊文官參知政事陳與義書冊文
官參知政事張守篆額文官吏部尚書孫近
四月十五日禮部太常寺言今來道君皇帝俟奉上謚

號冊寶恭依典故合稱聖文仁德顯孝皇帝祔廟畢合

稱徽宗聖文仁德顯孝皇帝

其冊寶制度奉行禮儀詳寧德皇后下

七月三日參知政事陳與義言近奉勅差臣撰道君皇帝謚冊文今恭依聖訓撰成伏以大道不容色聲而聖人有應世之迹至德非可擬議而天下有樂推之誠是以堯舜擅明帝于前禹湯操盛王于後自茲以降實為定規夫其鋪先猷表大行雖本一人之孝必極萬世之公載諏于群目載請于上帝于是有煌煌而不可掩巍巍而不可尚對越在天孰有加于此乎恭惟道君太上皇帝聰明如舜寬仁如湯小心如周王太度如漢祖元符之季歷數有歸以上聖之才膺溥將之命顯昂之資絕于庶品勤恤之詔行於四方而天人交孚夷夏悅服

矣自御宸極嚴廟社禮鬼神崇孝悌惇宗禋重學校輕刑罰恤鰥寡勸農桑政治之迹不可盡數而舉要言之所由之道主于廣大所用之心本於仁恕是以德之所覃澤之所被蒸為淑氣噓為和風庶邦嘉樂萬物茂遂垂衣拱手于穆清之表而天下無事可謂盛矣至于藝本天縱學由生知釋經子之微言言正豆籩之古制辭合雅頌日星昭回筆起褚薛鸞鵠飛動此又神聖之餘事帝王之蕪美也若乃國有元儲以時克建前星莫犯少海不操方豐亨之時未有^所戒而倦勤之志已定于中宣和末年遂決內禛不居神氣見黃屋之非心遽下詔書曾秦蔭之未從二十六年之間自朝而野自華而戎皆知聖人以柔道治天下而一日曠然神機自運獨

智不疑至健發于乾綱大勇表於虎變自五帝以還雖
三王之烈不足進焉運鍾陽九北狩累年執常度以自
居臨多難而不懼謂天悔過事有還形而喪氣晝昏諱
問奄至遺澤之沒感動于黔黎追號之聲震烈于蒼昊
顧惟菲德獲奉詒謀而行負于神禍延所恬不與嘗藥
之列不聞憑几之言抱終天難割之悲實自古非常之
變雖梓宮之未復敢廟祀之久虛肆依義起之文先行
升祔之禮遂以古訓稽謀于天祇易大名昭示來世謹
遣某官奉冊寶上尊號曰聖文仁德顯孝皇帝廟號徽
宗伏祈威靈在上降鑒不遐膺受顯揚永安闕恤尚錫
邦祚傳于無窮詒付書冊文官

七月十八日禮部太常寺言將來奉上謚冊寶前二日

奏告天地宗廟社稷宮觀今參酌到合行事件 一合

用御封降真香一十七合祝文一十五首青詞二通

以奉工道君皇帝寧德皇后 幣帛一十七段 管三黃一

禮號冊寶前期奏告之意 幣帛一十七段 管三黃一

二 一奏告天地社稷合用神位版并鋪設學生乞下

太史局排辦差撥 一逐處各合差奉禮部太祝太官

令各一員 內太祝差文 且 並前一 日 絕早赴祠所下建

康府差官 一合用酒脯鹿脯蠟蠟鷄梨香爐匙合縮

酒茅燎草等並乞下建康府排辦詔依

中興禮書第二百三十九卷

凶禮四

永祜陵

虞祭

紹興七年閏十月十一日祠部員外郎兼權禮部員外郎勾龍如淵言太常寺官以聖文仁德顯孝皇帝顯肅皇后梓宮未還久傳宗廟朔旦之祀欲行牙盤上食燒香之禮竊前來五月內禮官以宗廟久闕祭饗乞不候梓宮之還前期修製虞主神主擇日祔廟得旨討論是時本部與太常寺官以朝廷方遣使迎奉梓宮欲少俟奉使奏報見得梓宮還期遠近乃議申明已具稟朝廷矣繼此又以數月奏使亦未有奉報消息而在祀典

不可曠牙盤之薦又終非宗廟禮之正者按景德元年
司天以明德皇后園陵不利大葬用宗正卿趙安易之
議嘗以牙盤薦食太廟然不數月終以宗廟之重權一
時之宜行攢宮之禮禮畢祔廟九虞之祭前期而舉之
今來聖文仁德顯孝皇帝祔宮尚遙陵寢未卜事故非
常難拘常禮故依禮官前來所乞下有司先次擇日祔
廟庶幾神靈早安于宗廟祭饗不廢於歲時亦景德故
事權時合禮之意乞自朝廷特賜敷奏施行詔令侍
從臺諫官於今月十五日起尚書省集議

十六日戶部尚書章誼等言謹案禮天子七月而葬葬
而九虞虞用柔日春秋左氏傳曰凡君薨卒哭而祔周
官大祀祔練祥掌國事鄭康成曰祔當作祔禮記曰虞

祔練祥合是四者言之則既葬而虞虞而卒哭卒哭而
祔祔而練練祥此大喪之節也今聖文仁德顯孝皇帝顯
肅皇后祔宮未還使人未復宗廟之祀久廢謚冊之禮
不行非所以稱陛下奉親之孝盡人子罔極之恩誼等
伏請如勾龍如淵議依景德元年明德皇后故事行埋
重虞祭祔廟之禮及乞依嘉祐八年治四年虞祭畢而
後卒哭卒哭而後祔廟仍於小祥前卜日行之權時制
宜於義為得謹議詔恭依

十一月十二日禮部太常寺言已降指揮聖文仁德顯
孝皇帝顯肅皇后祔宮未還依故事行禮重虞祭祔廟
之禮其合行典禮令討論申尚書省今討論下項一
將來迎重並虞主回几筵殿及神主祔廟日合差威儀僧

道各一百人下建康府差其禁衛軍官親從官執打從物繖扇等並乞令都大主管指揮所屬量人數差一迎重日合用絲結殿子二座下儀鸞司計會几筵殿官前期結縛一將來迎重詣報恩光孝觀權行安奉埋重并行虞祭其本觀合量行擗截除治欲乞下建康府備辦擗截除治一迎重立虞主日合差內侍二員幹辦及晝夜在彼守宿照管并過行禮日捧遷下入內侍省差仍下皇城司差親事官二十八守宿分番祇應一合修製虞主扶座青白羅巾浴斛題神王筆墨硯行障浴室法物等乞下工部指揮文思院計會太常寺修製一虞主回日并祔廟日依禮例迎奉虞主升重翟車用儀仗導引緣今來儀仗未備欲權用常日禁

衛及執打從物等導引仍令都大主管官闕請見今几筵殿輦輿權代翟車所有至日合差禁衛并從物亦乞令都大主管報主管禁衛所相度差撥一迎重日虞主回日及行安神禮虞祭卒哭奉辭及祔廟合用御封降真香乞令太常寺開具合用數報入內侍省取降

一太常卿行九虞合用祝文一十八首

意皇帝親行卒哭之禮合用祝文二首

合用祝文一十一首

契勘自迎重日

祭係九月九虞祭畢次日係卒哭致齋日分又次日行

卒哭之祭卒哭後一日係祔廟日分太史局尅擇官供

選迎重宜用十一月二十七日乙卯吉詔依

用當日葬時吉埋重時宜用當日坤時于
所設處正北偏西壬地利方埋重並吉

十三日禮部太常寺言翰林學士知制誥朱震奏臣竊
見侍從臺諫官集議尚書省伏為聖人仁德顯孝皇帝
顯肅皇后梓宮未還請如祠部員外郎勾龍如淵議依
景德元年明德皇后故事行埋重虞祭祔廟之禮及乞
依嘉祐八年治平四年虞祭畢而後卒哭卒哭而後祔
廟仍於小祥前行之或有疑於虞祭謂當止行祔廟之
禮又或有疑於埋重之所謂於几筵之前則太近於城
外則太遠臣請以禮經及先儒舊說論之禮記曾子問
曰廟有二主禮歟孔子曰天無二日土無二王嘗禘郊
社尊無二上未知其為禮也昔者齊威公亟舉兵作偽
主以_及反藏諸祖廟廟有二主自齊威公始也今若

止行祔廟之禮當作粟主他日梓宮還葬而九虞又作
桑主是廟有_二主也於禮文不合矣又明德皇后故事
於殯宮埋重虞祭祔廟其後葬于園陵不聞別有埋重
虞祭之事若梓宮還葬置廡衣於御幄具法駕迎於太
廟藏廡衣於室則於禮兩得之又埋重之所案既夕禮
將葬向人抗重_出自道左倚之鄭氏注云重既虞將埋
之入士喪禮重與柩相隨之禮柩將出則重倚於道左
柩將入於廟則重止於門西是倚於道左將埋之者謂
埋於廟門外之道左也如是則埋重之所得遠近之中
矣奉聖旨令禮官參討論禮部太常寺討論下項 一
檢會國朝山陵故事梓宮發引日皇帝於宣德門外奉
辭百僚於板橋奉辭其掩皇堂日奏請神靈上虞主訖

埋重於皇堂隧道次行第一虞祭至瓊林苑行第七虞祭畢迎虞主於集英殿 皇帝於殿門奉迎百僚於板橋奉迎至殿皇帝行安神燒香之禮訖次有司行第八第九虞祭畢皇帝行卒哭之祭至祔廟前一日皇帝齋于垂拱殿祔廟日自集英殿導至宣德門外奉辭有司奉虞主至太廟之祔廟之禮於故事即無該載廟門外埋重之文今來欲附前項故事於祔廟前擇日自几筵殿迎重於報恩先孝觀權行安奉是日皇帝先於几筵前燒香如宮中之儀畢還內次宰執率百僚燒香畢退禮儀使率合迎重有司奉迎詣本觀俟時奏請神靈上虞主訖埋重於本觀利方次太常卿行第一虞祭夙興行第二虞祭已後每日依禮例行一虞祭至第七虞祭

祭畢迎奉虞主還几筵殿是日百僚於行宮門外奉迎至几筵皇帝服履袍奉迎前導虞主升殿畢次詣逐位前行安神燒香之禮訖還內次有司行第八第九虞祭至祔廟前二日皇帝行卒哭之禮祔廟前一日皇帝齋於內殿有司不奏刑殺文書至祔廟日皇帝自几筵殿導虞主至行宮門外奉辭畢禮儀使奉虞主詣太廟奏請神靈上神主訖以次引行祔廟之禮 一今來欲依明德皇后攢殯故事先行虞祭畢次行卒哭卒哭而後祔廟若將來迎奉梓宮到合遵用永安陵故事行改葬之禮即不合立虞主 一迎重日並虞主回日及祔廟日禮畢依禮例是日皇帝不視事百僚詣常御殿門外進名奉慰 一將來神主祔廟迎重立虞合差都大主

管官一員依禮例係差近上內侍充詔依

十九日禮部太常寺言勘會迎重詣報恩光孝觀俟時
埋重立虞今參酌比附到合行事件 一 至日俟宰執
率百僚燒香畢迎重時將至啟乞令太常寺卿詣重前
燒香訖次几筵殿幹辦官率工匠開墪尅澤官抗重捧
升綵殿其合用工匠乞令几筵殿幹辦官報修內司差
一 迎重詣報恩光孝觀埋重立虞乞於時前先行奏
告本觀昊天上帝其奏告官奉禮部太祝太官令並乞
就差第一虞祭事官 一 奏告合用御封降真香一合
青詞一首 述以奉迎聖文仁德顯孝皇帝顯肅皇后
重詣本觀權行安奉俟時埋重立虞王奏
告之 蒼幣一段神酒為禁法將黃蠟燭等乞下所屬排辦
一 几筵殿門外合用百官幕次並報恩光孝觀殿上

安設帷次二座及拜席褥等下儀鸞司同建康府排辦
一 迎重於時前合差太常卿一員燒香乞令本寺少
卿充攝詔依

二十三日禮部太常寺言將來祔廟前期太常卿行几
虞祭俟祭畢皇帝行辛哭之祭參酌比附到合行事件
一 俟虞王升殿安奉訖皇帝行安神禮并辛哭祭合
用香爐匙合燈燭等並乞令祔廟都大主管官報所屬
排辦其辛哭祭畢祝文幣帛付本殿官一面焚燒燒
一 几虞祭合用白幣一十八段辛哭祭合用白幣二段
一 几虞祭饗官依故事係太常卿行禮今乞降勅差
本日少卿充所有合差奉禮部太祝太官令各一員乞
令本寺丞博士充如職事相妨報建康府差 一 几虞

祭行事官乞於報恩光孝觀致齋辛哭祭行事官於本
司致齋一卒哭祭合差進幣爵酒官一員酌酒官一員
乞降勅差六曹郎官充 一卒哭行禮日皇帝不視事
俟行卒哭祭畢皇帝還內文武百僚詣常御殿門外進
名奉慰 一迎奉虞王並行安神禮及卒哭祭其几筵
前後殿合用升降慢道乞令修內司修築 一第八第
九虞祭依已降指揮在几筵殿行禮其合用蠟燭燎草
乞令本寺報皇城司行下經由門戶放入內上香炭火
麻爐匙合香案并焚燒祝幣火並令本殿排辦詔依
二十五日禮部太常寺言將來十二月五日皇帝迎虞
王八日行卒哭祭十日祔廟親導虞王依昭厚陵故事
請皇帝服履袍行禮其故事即不該載供進是何色履

袍今乞令有司供進黃袍紅帶詔依

二十六日禮部太常寺言勘會文思院修製虞王神主
今乞依故事俟修製畢虞王於几筵殿交割神主於太
廟奉安所文割詔依

十二月二日太常寺言准尚書省劄子勘會十二月五
日虞王將至几筵殿皇帝迎奉前導虞王升殿并十日
親導虞王至行宮門外奉辭若不測雨降既未見有司
曾如何排辦劄付太常寺同都大主管所疾速相度措
置本寺勘會其輦輿禁衛等已牒都大主管所措置外
本寺今相度措置下項 一十二月五日迎虞王前導
升殿依已定儀注合几筵殿門外捧虞王降輦輿升腰
輿入几筵殿正門若值雨降由正門入巡東廊又緣殿

門裏東牆妨礙腰輿道路今欲乞自几筵殿門上頭東
由殿東門入其前導官自御帷前導皇帝由東廊奉迎
升殿東側階即不妨礙行禮 一十二月十日親道虞
主至行宮門外奉辭已降指揮自內乘輦赴几筵殿門
外降輦入帷若值雨降欲乞更不乘輦自內由几筵殿
後入帷俟皇帝詣虞主前行寧神禮畢親導虞主腰輿
由東廊出殿門東至殿中門外權駐腰輿前導官前導
皇帝於殿門上奉辭餘依已定儀注詔依

中興禮書第二百四十卷

凶禮五

永祐陵

祔廟

紹興七年十一月十二日禮部太常寺言已降指揮聖
文仁德顯孝皇帝顯肅皇后梓宮依故事行埋重虞祭
祔廟之禮其合行典禮令禮部太常寺討論申尚書省
今先次討論到下項 一祔廟日依禮例合行自別廟
造還顯恭皇后神主赴太廟南神門外帷次以俟同時
升祔徽宗室於顯肅皇后之上奉安 一將來祔廟日
於虞主前奏請神主訖其神主依故事合於太廟本室
殿後瘞埋今來太廟係行在權行奉安兼昨昭慈聖獻

皇后虞主見在本廟權行收奉俟將來迎奉太廟回京日依故事施行 一見今凡筵殿收奉聖文仁德顯孝皇帝顯肅皇后謚冊寶謚將來神主祔廟日依禮例合於虞主前陳列至太廟今乞令凡筵殿幹辦官隨從至太廟交割收管其合差職掌援衛照管下禮部量人數差 一祔廟前二日依禮例奏告天地宗廟社稷官觀今欲乞依上件禮例施行 一祔廟日并九虞祭卒哭祭依禮例各用牲牢禮料等乞令太常寺具合用數報建康府排辦 一祔廟合前十日於尚書省受誓戒內三獻官乞降勅差宗室充其餘所差行事執事官乞依見今祀祭禮例令太常寺中闕所屬差官 一太廟南神門外合設安奉虞主帷乞下儀鸞司同建康府計會

排辦 一合差題虞主官一員依故事係差翰林學士乞降勅差 一合差扶侍夾侍內謁者等官乞從太常寺具合差員數闕報入內侍省差 一祔廟日辰據太史局供選到宜用十二月十日丁卯時用其日丁時吉詔依

十三日禮部太常寺言聖文仁德顯孝皇帝顯肅皇后神主祔廟合差禮宜使一員依禮例係差宰臣詔依十九日禮部太常寺言聖文仁德顯孝皇帝顯肅皇后祔廟前二日奏告天地宗廟社稷官觀今參酌比祔到合行事件下項 一合用御封降真香一十七合祝文一十五首青詞二首 並述以聖文仁德顯孝皇帝顯肅皇后 奏告幣帛一十七段 內卷幣三黃幣一白 奏告天地

社稷合用神位版並鋪設學生乞下太史局排辦差撥
一奏告天地差宰執前一日宿本省 一奏告太
社太稷天慶觀報恩光孝觀各乞差侍從官並前一日
宿於本司 一奏告宗廟乞差行在南班宗室 一逐
處合用鹿脯鹿鷲蠟燭鷺梨香爐炭大神席藉祭器席
縮酒茅燎草等乞下建康府排辦 一奏告逐殿合差
奉禮部太祝太官令各一員內太祝差文臣
有出身人元並前一日
絕早赴祠所致齋欲乞並下建康府並官詔依
二十三日禮部太常寺言已降指揮十二月十日神主
祔廟今檢照故事參酌申請下項 一檢會治平四年
英宗皇帝祔廟前一日皇帝齋于垂拱殿轉輔臣齋于
本廳百官于朝堂所有將來神主祔廟前一日皇帝齋

于內殿宰執齋于本廳百官齋于本司及乞依四孟朝
獻致齋禮例治事如故唯不判刑殺文書 一將來迎
重日并虞王曰日神主祔廟日並合作休務假詔依
二十五日禮部太常寺言聖文仁德顯孝皇帝顯肅皇
后神主祔廟百僚所服已降指揮俟祔畢並純吉所有
禁衛等並執打從物未有純吉指揮今欲比附前項禮
例俟祔廟日其禁衛等所服并從物輦輿等並合純吉
詔依

二十六日禮部太常寺言神主祔廟依故事是日合行
寧神禮次前導奉辭虞王今比附到合行事件 一行
寧神禮虞王前合用香爐匙合上香炭大等並令祔廟
都大主管官報所屬排辦 一檢會國朝故事神主祔

廟日應南班宗室正任已上騎導虞主詣太廟俟時行禮所有太廟門欲乞依常日早三刻開放致齋官并祇應人出赴行宮門外以俟騎導一祔廟日文武百僚詣常御殿門外進名奉慰其行宮亦合進表奉慰一合用白幣一十一段一祔廟合用文武百官服吉服陪位立班欲乞下御史臺閣門施行其幕次令建康府同儀鸞司排辦詔依

二十八日太常寺言檢會已降指揮百官候祔廟畢純吉服今來已選用十二月十日祔廟其百官合服吉服緣即今皇帝御殿視事見服淡黃袍黑帶竊慮百官已服皇帝尚服淡黃袍黑帶於禮非宜欲乞候祔廟畢皇帝視事日令有司供進純吉服於宮中即依元降詔旨

終三年之制詔禍變非常方深追慕所請易服純吉雖在外朝情實不安並儀衛物從等可並依舊

二十九日閣門言十二月十日奉辭虞主祔廟欲乞十一日特作歇泊假一日詔依

十一月空日翰林學士知制誥朱震宮奉勅差臣充題虞主神主官按後漢禮儀制桑木主尺二寸不書謚又按杜佑通典載唐元令儀注虞祭之禮止言太祝捧主置於座啟匱於前捧出神主不言題謚祔廟之禮則曰饗前一日質明太祝以香湯浴粟主拭以羅中題粟主官盥洗捧粟主就褥題主墨書訖以先漆重模之則是唐制唯題粟主亦不題虞主也本朝仁宗皇帝上仙尚書祠部員外郎直祕閣呂夏卿奏請虞主不題謚詔

兩制及侍制以上官禮與官會議翰林院學士承旨孫
抃等奏乞如夏卿所奏從之今日欲乞依漢唐及仁宗
山陵故事虞主更不題謚候祔廟前期一日恭依勅命
書題神主詔恭依
十二月九日閤門言已降指揮且僚舞蹈候祔廟畢依
儀制今准省劄節文百官純吉候過小祥取旨所有臣
僚舞蹈欲乞隨百官純吉日依儀制詔依

迎重儀

其日俟宰執率百僚詣几筵殿燒香畢退禮儀太常卿
權歸幕次俟時將至僧道親從禁衛執打從物等於几
筵殿門排立定次引太常卿詣聖文仁德顯孝皇帝几
筵殿重前立禮直官贊拜太常卿再拜訖稍前三上香

畢請拜訖次引太常卿詣顯肅皇后几筵殿重前行禮
並如上儀訖退立於几筵殿下西向立俟報時及几筵
殿幹辦官率工匠開城次尅擇官抗重升綵殿訖都大
主管官往來照管俟重出殿門太常卿騎導禮儀使都
大主管官幹辦虞主官後從至報恩光孝觀下馬導從
至殿下尅擇官抗重降綵殿捧詣殿上神幄權行安奉
訖禮儀使已下權退歸幕次以俟主虞行禮

埋重立虞儀

其日俟埋重時將至有司排辦畢扶持侍官捧聖文
仁德顯孝皇帝顯肅皇后虞主腰輿詣逐幄前置定引
禮儀使詣幄前稍西東向立次引內常侍捧逐位虞主
詣浴斛浴拭訖內侍捧遷逐位虞主升腰輿訖次引禮

儀使詣聖文仁德顯孝皇帝神幄前北向俛伏跪奏禮儀使某官且某言請聖文仁德顯孝皇帝靈上虞主訖俛伏興次詣顯肅皇后神幄前北向俛伏跪奏禮儀使某官且某言請顯肅皇后神靈上虞主訖俛伏興退位內侍以匱覆之次扶侍扶侍官捧腰輿詣神幄內置定匠尅擇官抗重埋于本觀利方訖次太常卿行第一虞祭

太常卿行九虞祭儀

有司排設牲牢禮饌訖行事官各服黑帶贊者引奉禮郎太祝太官令詣虞主幄前北向立禮直官引太常卿詣幄前西向立禮直官贊躬拜太常卿拜在位官皆再

拜訖次引奉禮郎以上升就位立引太常卿詣盥洗位搯笏盥手悅手執笏詣爵洗位搯笏洗爵拭爵執笏升殿詣酒尊所搯笏跪執爵俟太官令酌酒訖執笏興引太常卿詣聖文仁德顯孝皇帝虞主前搯笏跪上香再上香三上香受幣執爵三祭酒奠爵執笏俛伏興請少立俟太祝讀祝文訖請再拜次詣顯肅皇后虞主前行禮如上儀訖引降階復位禮直官贊躬拜太常卿拜在位官皆再拜訖引詣望瘞位南向立奉禮郎以下重行俟焚瘞祝幣訖班退

每行虞祭禮如上儀

宰執率文武百僚奉迎虞主儀

其日俟虞主將至虞史臺太常寺閣門分引宰執文武百僚詣行宮門外香案之北南向立定俟虞主至禮直

官揖躬拜班首已下再拜訖引班首詣香案前搢笏上香再上香三上香訖執笏退復位立禮直官揖班首已下再拜訖分東西向立俟虞主過班退

奉迎虞主行安神之禮儀

其日禮儀使詣聖文仁德顯孝皇帝顯肅皇后虞主殿下北向再拜訖詣逐位香案前搢笏上香再上香三上香執笏降復位再拜訖升殿少立俟僧道禁衛等排立定禮直官引內謁者詣聖文仁德顯孝皇帝虞主前俛伏跪奏稱內謁者臣某言請虞主升殿虞主前奏請升與並如上儀訖內侍捧遷虞主升腰輿內侍者虞主前俛伏跪奏稱內謁者臣某言請虞主進行俛伏興退禮儀使後從俟虞主將

至行宮門皇帝自內服履祀歸御幄禮直官太常博士太常卿於幄前立俟虞主將至几筵殿門禮直官引內謁者詣虞主與前俛伏跪奏稱內謁者臣某言請虞主少駐降輿升腰輿奏訖俛伏興少退內侍詣輿捧遷聖文仁德顯孝皇帝顯肅皇后虞主腰輿訖禮直官引內謁者詣虞主前俛伏奏稱內謁者臣某言請虞主進行奏訖俛伏興退禮儀使退詣常御殿門奏慰立班次扶持扶持腰輿將至殿門禮直官太常博士引太常卿當幄前俛伏跪奏稱太常寺臣某言請皇帝奏迎虞主行安神燒香之禮奏訖俛伏興簾捲前導官前導皇帝出幄詣殿門內奉迎虞主升殿至殿上權駐前導官前導皇帝至殿上少立內謁者詣逐位輿前俛伏跪奏稱

內謁者臣某言請虞王降輿升座權行安奉奏訖俛伏
興退內侍捧虞王升座啟匱于後以中覆之訖前導皇
帝詣聖文仁德顯孝皇帝几筵殿下褥位西向立奏請
皇帝拜皇帝再拜訖前導官前導皇帝升殿詣聖文仁
德顯孝皇帝虞王香案前奏請皇帝上香再上香三上
香又奏請拜皇帝再拜訖前導皇帝詣顯肅皇后几筵
殿虞王前行禮如上儀訖前導官前導皇帝歸御簾降
禮直官太常博士引太常卿當幄前俛伏跪奏稱太常
卿臣某言禮畢奏訖俛伏興前導官退皇帝還內如來
儀

皇帝行卒哭祭儀

其日俟有司贊設禮料畢皇帝自內服素紗軟脚折上

中淺黃袍黑銀帶歸御幄易履祀禮直官引進幣爵酒
官詣聖文仁德顯孝皇帝虞王香案之東西向立請祝
文官詣香案之西東向立酌酒官於殿上酒尊之後北
向立定禮直官太常博士引太常卿當幄前俛伏跪奏
稱太常卿臣某言請皇帝行卒哭之祭奏訖俛伏興簾
捲前導官前導皇帝出幄詣聖文仁德顯孝皇帝几筵
殿下褥位西向立奏請拜皇帝再拜訖內侍捧槃匱又
奏請皇帝盥手內侍沃水又奏請皇帝拭爵內侍進中
俛拭爵訖內侍捧爵詣聖文仁德顯孝皇帝虞王前酒
尊所跪酌酒官搯笏跪酌酒訖執笏興內侍捧幣捧爵
酒詣進幣爵酒官之後立前導官前導皇帝詣聖文仁
德顯孝皇帝虞王香案前又奏請皇帝上香再上香三

上香進幣爵酒官西向搢笏跪先進幣次進爵酒又奏請皇帝跪受奠訖內侍取幣置于香案又奏請執爵三祭酒於茅奠爵進幣爵酒官受虛爵興以授內侍禮直官引進幣爵酒酌酒官先詣顯肅皇后几筵殿立定又奏請皇帝俛伏興少立讀祝文官東向搢笏跪讀祝文訖執笏興禮直官引讀祝文官詣顯肅皇后几筵殿香案之西東向立又奏請拜皇帝再拜訖前導官前導皇帝詣顯肅皇后几筵殿虞主前行禮並如上儀訖前導官前導皇帝還御帷簾降禮直官太常博士引太常卿當帷前俛伏跪奏稱太常卿臣某言禮畢奏訖俛伏興前導官退皇帝服履袍還內如來儀

皇帝行寧神并前導虞主及奉辭儀

其日皇帝自內服履袍乘輦至几筵殿門外降輦歸御幄禮直官太常博士太常卿於帷前立俟僧道親從禁衛執打從物等於殿門外排立定內侍啟虞主匱以巾覆訖禮直官太常博士引太常卿當帷前俛伏跪奏稱太常卿臣某言請皇帝行寧神奏辭之禮奏訖俛伏興復位簾捲前導官前導皇帝出帷詣聖文仁德顯皇帝几筵殿下褥位西向立奏請皇帝拜皇帝再拜訖前導官前導皇帝升殿詣聖文仁德顯孝皇帝虞主香案前奏請皇帝上香再上香三上香又奏請拜皇帝再拜訖前導前導皇帝詣顯肅皇后几筵殿虞主前行禮並如上儀訖前導皇帝詣几筵殿門上西向少立初皇帝詣遂殿燒香畢輦官擊輦興詣聖文仁德顯孝皇帝几筵

殿下設定禮直官引內謁者詣遼殿虞王前奏稱內謁者臣某言請虞王降座升輿進發奏訖伏興少退內侍以匱覆虞王訖捧升腰輿扶侍夾侍并腰輿詣殿下內侍捧虞王升輦輿安奉訖輦官擎輿進行前導官前導皇帝導虞王進行至行宮門外前導官前導皇帝詣褥位西向立虞王少駐俟有司陳香案畢前導官前導皇帝詣虞王香案前北向奏請皇帝拜皇帝再拜訖又奏請皇帝上香再上香三上香又奏請拜皇帝再拜訖前導官前導皇帝歸御幄簾降禮直官太常博士引太常卿當幄前俛伏跪奏稱太常卿臣某言禮畢奏訖俛伏興前導官退輦官擎虞王輦輿進行皇帝乘輦還內如來儀

神主祔廟儀

祔饗前一日

其日祔饗行事執事官並服吉服詣太廟奉安所齋坊幕次俟行事官齊足詣初獻廳下對揖訖升階收笏就坐點茶畢請執笏立俟太祝習讀祝文訖收笏就坐點湯畢禮直官贊分引行事執事官詣東神門外省牲位立定禮直官贊揖訖次引監察御史詣諸室前北向視滌濯執事者皆舉冪曰潔降復位禮直官曰告潔畢請省牲次引太祝先祿丞巡牲訖退復位禮直官曰省牲畢請詣省饌位揖訖禮直官贊者分引行事執事官詣省饌位立定禮直官贊揖所司省饌俱畢禮直官贊揖訖退次引監察御史詣厨省鑊視滌漑退還齋所晡後

太官令率宰人以鸞刀割牲遂烹牲

晨裸

其日祔饗時前告遷顯恭皇后神主詣太廟南神門外
幄次權行安奉以俟同時祔謁其行事官內合赴前導
者守太廟門出赴行宮門外俟再拜訖前導虞主詣太
廟樞星外下馬步導禮儀使都大主管官前導官退歸
幕次僧道先退禁衛更互排立宮闈令詣殿下再拜
訖開室整拂神幄有司實設禮料太官令監視訖退次
引先祿卿詣殿下褥位再拜訖升殿點閱畢次引監察
御史升殿按視訖俱退還齋所並服祭服祔饗時前先
引薦香燈官入詣殿下北向再拜訖升殿次御史臺太
常寺閤門分引宰執使相百僚入詣殿庭分東西相向

立北上禮直官贊者分引祔饗行事官詣東神門外揖
位立定祠祭官於殿上贊奉神主次引薦香燈官入室
搯笏奉帝主啟匱於後以青羅中覆之執笏退歸執事位次引
宮闈令奉后主如上議以青羅中覆之退歸執事位祠祭官於
殿上贊奉神主訖祔饗時將至禮直官引禮儀使詣神
主幄前稍南北向立次禮直官引都大主管官詣禮儀
使之東北尚立少却次引內常侍入幄搯笏捧徽宗聖
文仁德顯孝皇帝神主詣浴斛跪浴拭訖置于案次捧
顯肅皇后神主詣浴斛浴拭訖置于案執笏退次引題
神主官詣幄前盥洗位西向搯笏盥手悅手執笏入幄
詣徽宗聖文仁德顯孝皇帝神主案前題神主訖次詣
顯肅皇后神主案前題神主訖執笏興退有司漆之次

引內常侍詣逐位神主案前搢笏捧神主各置于腰輿
以巾覆之帝以白羅中訖執笏退引扶持夾侍官捧腰
輿官逐位神主腰輿次于虞主腰輿訖次引禮儀使詣
徽宗聖文仁德顯孝皇帝虞主前俛伏跪奏稱禮儀使
具位臣某言請徽宗聖文仁德顯孝皇帝靈上神主奏
訖俛伏興次詣顯肅皇后虞主前俛伏跪奏稱禮儀使
具官臣某言請顯肅皇后神靈上神主奏訖俛伏興退
復位立俟太史局報時及禮直官引內謁者詣于神主
帷前西向俛伏跪奏稱內謁者臣某言請徽宗聖文仁
德顯孝皇帝顯恭皇后顯肅皇后神主進行奏訖俛伏
興次詣帝后神主腰輿前取中以匱覆訖次贊者引扶
侍捧腰輿內侍詣帷捧腰輿進行內謁者前導禮直官

引禮儀使都大主管官從後入南神正門詣泰階下北
向禁衛退御史臺太常寺閤門分引宰執使相文武百
僚合班北向立定次內謁者詣殿下褥位東向俛伏跪
奏稱內謁者臣某言請徽宗聖文仁德顯孝皇帝顯恭
皇后顯肅皇后神主少駐俛伏興少退立禮直官引都
大主管官先退次禮直官引禮儀使升自泰階詣殿上
當中褥位北向俛伏跪奏稱禮儀使其官臣某言徽宗
聖文仁德顯孝皇帝顯恭皇后顯肅皇后神主拊謁奏
訖俛伏興退歸本班次引宮闈令詣殿下常后神主腰
輿前搢笏捧帝后神主升自泰階詣殿下當中褥位北
向權設于座訖并腰輿內侍捧腰輿并扶持夾侍官先
退宮闈令啟徽宗聖文仁德顯孝皇帝神主匱設于後

以白羅次奉顯恭皇后顯肅皇后神主如上儀以青羅

宮闈令出笏少立俟祔謁訖宮闈令再搢笏跪捧徽宗
聖文仁德顯孝皇帝顯恭皇后顯肅皇后神主與詣徽
宗室置于座執事者捧帝后神匱設于座後禮直官贊
有司謹具請行事贊者曰拜在位官皆再拜訖次引監
察御史奉禮郎太祝太官令各升殿就位立定次禮直
官引初獻詣盥洗位北向立搢笏盥手悅手執笏詣爵
洗位北向立搢笏洗瓚訖以瓚授執事者執笏升殿詣
僖祖室尊彝所西向立執事者以瓚授初獻初獻搢笏
跪執瓚執彝者舉罍太官令酌鬱鬯訖先詣翼祖室尊
彝所北向立初獻以瓚授執事者執笏興詣僖祖室向
立搢笏跪次奉禮郎搢笏西向跪執事者以瓚授奉禮郎

奉禮郎奉瓚授初獻初獻執瓚以壺裸地奠訖次執事
者以幣授奉禮郎奉禮郎奉幣以授初獻訖執笏興先
詣翼祖室神位前西向立初獻受幣奠訖執笏俛伏興
再拜訖次詣翼祖室次詣宣祖室次詣太祖室次詣太
宗室次詣真宗室次詣仁宗室次詣英宗室次詣神宗
室次詣哲宗室次詣徽宗室裸壺奠幣並如上儀訖俱
復位既晨裸薦香燈官取毛血奠於神座前太官令令
取肝以鸞刀割之洗於鬱鬯貫之以膏燎于爐炭薦香
燈官以肝膏詣於神座又以墮祭三祭于茅苴退復位

饋食

饗日有司設俎二十二于神厨各在鑊右進饌者詣厨
於鑊實羊載于俎肩膊臑肫胎正脊一直脊一橫脊一

豕載于俎豕熟十一體執事者入設于饌幔內俟初獻既升晨裸捧俎官及執事者捧俎入詣西階下次引兵部尚書工部尚書詣西階下各搢笏捧俎升殿詣僖祖室前北向跪奠訖先薦羊次薦豕執笏俛伏興有司設置于位前次詣諸室奉俎如上儀俱降復位初奠俎訖次引薦香燈官取蕭合黍稷搗於脂燎于壚炭當饋熟之時薦香燈官取菹搗于醢祭于豆間三尺取黍稷肺祭如初俱藉以茅退復位次引初獻再詣盥洗位北向立搢笏盥洗手執笏詣爵洗位北向立搢笏洗爵拭爵訖以爵授執事者執笏升殿詣僖祖室酌尊所西向立執事者以爵授初獻執尊者舉冪太官令酌酒訖先詣翼祖室酌尊所北向立初獻以爵授執事者執笏興

詣僖祖室北向立搢笏跪執爵三祭酒于茅苴奠爵執笏俛伏興少立次太祝東向搢笏跪讀祝文訖執笏興先詣翼祖室東向立初獻再拜次詣諸室行禮並如上儀訖俱復位立次引亞獻詣盥洗位北向立搢笏洗盥手執笏詣爵洗位北向立搢笏洗爵拭爵訖以爵授執事者執笏升殿詣僖祖室酌尊所西向立執事者以爵授亞獻搢笏跪執爵執尊者舉冪太官令酌酒訖先詣翼祖室酌尊所北向立亞獻以爵授執事者亞獻執笏興詣僖祖室北向立搢笏跪執事者以爵授亞獻亞獻執爵三祭酒于茅苴奠爵執笏俛伏興再拜訖次詣諸室行禮並如上儀訖降復位次引終獻詣洗及升殿行禮並如亞獻之儀降復位次引太祝徹籩豆

俱少移 次引宮闈令束茅訖俱復位禮直官曰賜胙贊
者曰賜胙再拜在位官皆再拜訖祠祭官於殿上贊奉
神主入室次引薦香燈官搢笏奉帝主入室執笏退復
位次引宮闈令奉后主入室並如上儀訖退復位祠祭
官於殿上贊奉神主入室訖次引初獻已下詣殿下望
瘞位立定有司取幣束茅置于坎禮直官曰可瘞置土
半坎本廟宮闈令監視次引初獻已下詣東神門揖位
立定禮直官贊禮畢揖訖退御史臺太常寺閤門分引
百僚以次退太官令帥其屬徹禮饌次引監察御史詣
殿上復位監視收徹訖還齋所宮闈令闔戶以降太常
藏祝版于匱

中興禮書第二百四十一卷

凶禮六

永祐陵

迎奉梓宮

紹興九年正月十四日禮部太常寺言迎護梓宮奉還
兩宮交割地界使同簽書樞密院事王倫等申准勅差
充迎護梓宮奉還兩宮交割地界使副所有合用迎請
禮儀訖下所屬講議降下遵守施行劄付禮部太常寺
講究申樞密院今講究下項 一使副初至全國安奉
梓宮處使副率三節人從排辦香茶酒果食味等詣梓
宮前先行兩拜上香一酌茶三奠酒訖舉哭再拜自後迎
奉還行在沿路每日赴梓宮前朝晡臨並如上儀 一

檢會先降指揮奉迎梓宮使副初詣梓宮及沿路朝晡
臨並服初喪服見全國主權用吉服若見館伴等官仍
黑帶到驛舍及在沿路衣白絹袍或布袍回至本界亦
服初喪服以次有官人依此 一檢會禮經見柩服總
今講究見柩服總係已曾親經扶護葬畢已久後來改
葬難以吉服見柩故合遵用禮經竊緣今來徽宗皇帝
顯肅皇后梓宮不曾親經扶護即與先曾扶護後來改
葬不同所有使副等見梓宮并沿路及回至本界所服
並依先降指揮施行詔依 四月十四日太常寺討論迎
護梓宮使副等緣已過禫祭
候過本界並改服
總麻服詔依
二十三日禮部太常寺言已降指揮迎奉梓宮到日其
百僚合服初喪服契勘昨百僚所服喪服于正月二十

五日大祥日並行除去若將來迎奉到梓宮欲依永安
陵改葬故事百僚見梓宮並服總麻服係細布幘頭襪
衫腰圍 以事帶
為之 詔依

四月十三日詔將來梓宮至東京權於龍德宮安奉十
四日禮部太常寺言王倫等奏據禮直官狀契勘三月
十五日交割地界了畢所有迎護梓宮回合預行申請
下太常寺討論於行奉聖旨令禮部太常寺下議定申
尚書省今討論下項 一勘會將來兩宮見徽宗皇帝
顯肅皇后梓宮緣今來已過禫除其兩宮即合依禮服
總麻之服 一將來梓宮至河南州縣東京合行禁樂
俟過仍舊合差僧道各五十人於界首奉迎 一梓宮
過界經由州縣除公吏軍民不合製服外其見任官各

預置總麻服於城外奉迎奉辭內迎合排祭一座一
州縣奉迎奉辭儀其日長吏率在城官於城外排祭處
俟梓宮將至並立班再拜訖班首詣香案前揖笏上香
再上香三上香跪一酌茶三奠酒訖執笏俛伏興復位
並舉哭再拜訖直身立俟梓宮過班退奉辭依此唯不
排祭不奠茶酒
一梓宮還所立銘旌高九尺書徽宗聖文仁德顯考
皇帝之柩顯肅皇后之柩乞令東京留守司指揮所屬
製造詔依

五月七日王倫等奏臣等被命前去迎護梓宮累具奏
票面奉玉音令將來於福寧殿奉安徽宗皇帝梓宮於
皇儀殿奉安顯肅皇后梓宮臣等竊嘗過為之慮若龍
輜迎護遠至未即因山之禮徑還大內深深于禮未應

欽望下太常禮官詳加參訂竊見龍德宮係徽宗皇帝
潛藩及禋位所居之處自今尚存殿宇圓備若於龍德
宮中福殿奉安徽宗皇帝梓宮於臻祥殿奉安顯肅皇
后梓宮未審於禮經事體如何勘會已降指揮將來梓
宮至東京權於龍德宮安奉詔劄與王倫等照會

十八日禮太常寺言王倫等奏契勘河南州縣昨徽宗
皇帝顯肅皇后訃音到日未曾舉掛今來已足祥除故
望候梓宮到日所過州縣許令舉哀及其餘州軍設
道場致祭令禮部太常寺討論欽候將來報到諱日於
前期令河南州縣各建置道場三晝夜是日設位致祭
行香如諱日未到即依已降指揮權於來年正月二十
五日依上件所定道場日數建置道場設位致祭詔將

來梓宮過界令河南州縣日承闕報日建置道場三晝夜餘路州縣依此

七月二十三日禮部太常寺言勘會已差官迎護徽宗皇帝顯肅皇后梓宮至東京權於龍德宮安奉今參酌除具到合行事件一自界首奉迎梓宮至東京權於龍德宮安奉合差禮儀使一員欲乞降勅就差東京留守充一自界首奉迎梓宮至龍德宮安奉并殿撰合差玉管一行事務官一員乞差京畿運使充詔依

十月十八日禮部言東京留守司申據禮直官講究到梓宮合排辦鼓吹乞下太常討論後批送禮部尋下太常寺檢會自來山園陵故事發引日合用鼓吹今來梓宮過界係於龍德宮權安奉以俟修奉陵寢未是發引

今討論合俟發引日排設鼓吹詔依

十二年四月一日詔徽宗皇帝顯肅皇后梓宮將來迎護梓宮將來過界迎護禮儀使差判紹興府孟忠厚提舉應奉排辦一應事務差兩浙轉運副使黃敦書

六日中書門下省言勘會已降指揮徽宗皇帝顯肅皇后梓宮將來過界迎護都大主管官未曾差人詔差知大宗正事士會

十日權禮部侍郎施垌等言今來差官迎護徽宗皇帝顯肅皇后梓宮依紹興九年已降指揮迎護梓宮使副俟迎見梓宮隨宜排辦供養食茶酒果使副率三節人從詣梓宮前上香奠茶酒再拜舉哭緣今來係于界首迎護即與在北界迎護事體不同今看詳切慮合用御

書香祝內祝祠乞述以皇帝遣官奉迎之意仍令所差迎護官前一日宿齋次日行禮如允所乞從太常重別條具詔依

同日權禮部侍郎施垌等言已得旨迎奉兩宮及迎護徽宗皇帝顯肅皇后梓宮過界係各差官提舉一應事務若同日入界行列次序州縣迎接吉凶禮制不同難以同時進發謹按故例梓宮發引頓首遞日行里數不遠兼初見梓宮依禮合俟迎護官宿齋祭告畢擇不礙國音日辰方可進發其勢必須少留今欲乞兩宮入界先次進發以便迎奉兼五禮之序吉禮為先詔依

十三日禮部太常寺言已降指揮差官迎護梓宮到行在依紹興九年已降指揮百僚見梓宮合服總麻服係

細布幘頭襴衫腰圍

以細布帶為之

未有製造去處令乞依故

事令臨安府專委通判一員製造給散軍執侍從臺諫餘官依故例各給細布一疋詔依

同日禮部太常寺言已降指揮徽宗皇帝顯肅皇后梓宮將來迎護到行在令禮部太常寺言討論安奉禮制聞奏謹按禮經事死如事生又曰祭之日思其居處伏見宣和七年徽宗皇帝已降詔旨退居龍德舊宮今來梓宮到行在日慮合權設龍德宮以備安奉庶使在天之靈有所憑依亦仰稱聖主思慕居處如生之意如蒙聖慈克從乞下有司於皇城相近去處踏逐屋宇權充龍德宮非惟有合禮經亦於行禮為便詔依令臨安府疾速措置

二十三日禮部太常寺言知臨安府俞侯劄子令踏逐屋宇權充龍德宮未審合用屋宇若干間數如何製度乞下有司討論遵守奉聖旨令禮部太常寺同共討論擬定聞奏今討論合依做承元殿順承殿分前後殿奉安梓宮所有屋宇修蓋間數裝修即合隨宜詔依
同日臨安府奉安梓宮屋宇今踏逐到皇城南門外東百官舊待漏院瓦屋十三間地步外及乞於殿前司中軍寨地內展拓南北長一十四丈故乞朝廷劄下以憑遵依興工詔依

二十四日判紹興府兩浙東路安撫使迎護梓宮禮儀使信安郡王孟忠厚言迎護梓宮合行禮儀事務已降指揮許差禮官一員同去欲望朝廷早賜差定所有合

破請給人從等並乞依本司幹辦公事已得指揮詔差太常丞吳棫

同日禮部太常寺言奉迎兩宮扈從禮儀使司狀勘會今來禮儀使以下官屬若至界首其至時徽宗皇帝顯肅皇后梓宮先過界前來合如何禮數乞下禮部太常寺討論奉聖旨依今討論禮儀使以下官屬服總麻服詣梓宮前立班定先兩拜訖禮儀使詣梓宮香案前三上香跪一酌茶三奠酒俛伏興復位並舉災再拜訖退其合服總麻服令鎮江府製造椿管詔依

同日禮部太常寺言檢會國朝山園陵故事初崩并發引前二日各差官奏告所有今來迎護梓宮過界經由州軍依紹興九年已降指揮差官致祭十里內神祠其

迎護梓宮到行在權安奉之後欲依禮例差官奏告天

地宗廟社稷諸陵宮觀詔依宋會要十二年五月六日

護藏宗皇帝顯肅皇后梓宮到行在九日淮南東路轉

運副使陳袞言奉迎梓宮若取水路合行盱眙乘舟涉

長淮至龜山入河入慮風濤不測之險不若自盱眙

置陸山至龜山登舟入平河委是利便詔孟忠厚隨宜措

五月八日禮部太常寺言孟忠厚狀徽宗皇帝顯肅皇

后梓宮將來過界迎護入界日官吏等合服衣服并過

界權奉安起發程頓應干禮儀節次等並乞下禮部太

常寺討論降下奉聖旨依今討論下項 一將來候見

梓宮入界日官吏等依已降指揮並總麻服係細布幘

頭襪衫腰圍以細布之乞從禮儀使司具合用數行下提

舉排辦一行事務官指揮沿路可以製造州軍製造附

帶前去 一結造大昇舉制度并捧擎力士合依紹興

九年已降指揮用彩結殿安座不須造大昇舉其捧擎

力士既是由水路止是上下般要用乞令事務官量度

人數差雇 一迎護軍兵并儀衛等從禮儀使指定人

數申朝廷差撥其合著衣服並合服青皂褐衫 一祭

告并沿路合用御封降真香三十二合二合祭告行禮

路早晚奠及合用祝文二首並述以皇帝遣降付太常

寺差人管押前去并祭告排辦牙盤食燎草等亦乞令

提舉應奉排辦一行事務官依例排辦施行 一合用

梓宮衣單單令提舉應奉排辦一行事務官製造兼今來

又迎大行皇后梓宮合用梓宮衣罩亦乞令事務官一

就製造 一今來沿路合用僧道威儀各差一百人乞

令提舉一行事務所預先關報經由州縣差撥一將來迎護梓宮過界沿路每日早晚合用香茶牙盤食酒果等酌獻器皿等竊慮經由州縣難以應辦乞令提舉應奉排辦一行事務官將帶前去差官逐日排辦其合用牙盤亦乞委官應副詔依

十日禮部太常寺言今來迎護梓宮到行在檢照紹興九年指揮梓宮經由州縣禁止音樂俟過仍舊及令河南州縣自承關報到日建置道場三晝夜餘路州縣依此令乞候依此俟迎護梓宮過界至經由州縣各隨宜建置道場三晝夜仍禁止音樂餘路州縣俟梓宮過界今提舉一行事務所今來迎護梓宮到行在今關報候到依此建置道場詔依

二十日禮部太常寺言今來迎護梓宮到行在今其合行事件一昨降指揮迎護梓宮過河至龍德宮合用絲結香花樓子四座花瓶麻爐匙合令東京留守司絞縛製造今欲乞令提舉一行事務所指揮經由州縣各預行絲結香花樓子六座花瓶麻爐匙合亦慮淮南州縣難以排辦亦乞令提舉一行事務所許置將帶前去一昨令東京留守司製造徽宗皇帝顯肅皇后銘旌并今來迎護大行宮亦合造銘旌今欲乞候迎護過界並乞令提舉一行事務官務製造仍令尅擇官時安立一迎護梓宮過界經過州縣橋梁并中里內神祠令所屬州縣差官備禮致祭一迎護梓宮沿路合差僧道各一百人欲乞令提舉一行事務所預先指揮經由

州縣各行差撥 一今來所差迎護梓宮禮儀使并一行官屬俟迎見梓宮並合服總麻服每日詣梓宮前朝
晡臨 一今來迎護梓宮到行在并將來發引應經由州縣依紹興九年指揮除公吏軍民不合製服外其見任官各預置總麻服於城外奉迎奉辭排祭 一座內州縣城郭寄居官舍赴亦合各置總麻服乞移牒轉運司行下經由州縣遵執施行詔依

二十三日禮部太常寺言迎護梓宮都大主管所狀將來迎護梓宮已降指揮經由水路今來祇備舟船安奉所有梓宮前合搭掛供設衣服乞指揮討論物件令一行事務所疾速隨宜製辦收掌前去至安奉梓宮前供設後批送禮部同太常寺討論申尚書省勘會依故事

合排辦搭掛供設衣物今討論將來迎護徽宗皇帝顯肅皇后大行皇后梓宮欲依所乞令提舉應奉排辦一行事務所各製造衣服一套各一十件內徽宗皇帝衣服係黃羅夾袍各一緬紅羅皂綠夾道服一黃羅背子一白綾夾襦袴各一緬紅羅夾裏肚一白綾汗衫一白綾夾背心一紅羅勒帛一顯肅皇后大行皇后各係紅羅夾大袖一紅羅夾裙一紅羅夾帔一黃羅夾襖子一粉紅綾衫子一粉紅綾夾襦袴各一緬紅羅夾裏肚一粉紅綾夾背心一紅羅夾背子一詔依

六月二日禮部太常寺言參酌合行事件下項 一將來迎護梓宮到行在日欲乞是日皇帝率文武百僚出城迎奉徽宗皇帝顯肅皇后梓宮 一紹興九年已降

指揮將來梓宮綠係在埋重虞祔祥除之後其百僚奉迎所服依永安陵改葬故事百僚見梓宮並服總麻服將來迎奉徽宗皇帝顯肅皇后梓宮到行在百僚所服欲乞依上件指揮施行所有皇帝迎見梓宮欲依禮例服總麻服一城外合設御幄并百僚幕次若梓宮回附近臨安府出陸合於奉迎處設權安奉梓宮幄殿並乞下儀鸞司同臨安府排辦詔依

七日詔淮南東路官吏軍民等昔者明王務隆孝治必得四海之歡心以事其先王朕甚慕之比命禮儀使迎護徽宗皇帝顯肅皇后梓宮大行皇后翼御一時儀物之奉供億之須取具有司靡勞民力蓋欲自治以篤寧神尚慮州縣奉行違戾煩擾百姓失其歡心豈服事先

之意哉吏儻若茲罰其可逭今來應沿路州縣合供辦之類並令戶部科撥的確係官錢物應副不得少有科敷如違許越訢監司失於按劾一等科罪

十九日禮部言鎮江都統解元申契勘諸軍見在鎮江府駐劄并淮東屯戍所有將來奉迎兩宮禮儀并見梓宮禮服尋會問得鎮江府其元降指揮內即不該載乞行下遵守後批送禮部看詳申尚書省尋下太常寺看詳將來迎護梓宮過界至鎮江府欲令御前諸軍都統制解元率所管副將以上於城外服總麻服迎奉其所服令鎮江府一就製造給散所有迎奉禮儀乞依沿路經過州縣排祭迎奉已定儀注內副將以下並令免赴其將來梓宮經過淮東州軍見屯戍諸軍亦乞依此詔

二十七日禮部太常寺言准都省批送下接伴金國人使所申契勘將來起發到界首迎見梓宮所有一行官屬合服是何服色後批送禮部同太常寺看詳申尚書省今看詳接伴使副若將來迎見梓宮其副使并一行官屬內有官人並合服總麻服俟隨宜排辦香茶酒果等訖使副率一行官屬詣梓宮前先兩拜訖班首三上香一酌茶三奠酒訖舉哭再拜訖退所有總麻服係細布幘頭襪衫腰圍帶以細布為之今欲乞令本所一面具的確合服員數關報臨安府製造將來帶前去詔依

八月二日禮部言臨安府申百僚見梓宮合服總麻服製造分散侍從臺諫已上餘官給布一疋未審所給布合係是何職以上後批送禮部看詳尋行下太常寺看

詳欲乞應行在文臣職事官并宗室南班及文武陞朝官以上並許趕赴內文臣職事官係承務郎已上詔依十四日禮部言准都省批送下御史臺閣門申將來奉迎梓宮依故例文武百官合排辦路祭今具申請下項一所排路祭乞就將來百官奉迎梓宮立班處側近排設路祭一座御史臺閣門各委本司屬官一員俟梓宮將至於祭前奉迎燒香一合用真衣綵贈冥器花果齋供道場等所費乞於文臣應選人以上武臣應承信郎以上並於所請請給內每貫錢三十文省一所納路祭錢文臣赴御史臺武臣赴閣門送內並出給朱鈔令所屬照驗已納朱鈔方得放行請給其錢置歷收支如有支使不盡錢乞送左藏庫交納詔依

十七日御史臺言已降指揮迎護梓宮到行在是日皇帝率文武百官詣城外迎奉用三衛諸司應奉官文臣侍從起居舍人已上扈從車駕至臨平鎮迎奉餘合赴官並於東倉迎奉本臺合行申請 一欲乞至日文臣百官俟梓宮將至迎奉立班訖次迎駕起居若值雨雷濕止就幕次內隨宜立班 二臨平鎮并東倉合用待班幕次欲乞就用還處已修蓋席幄充令臨安府同儀鸞司釘設排辦詔依

十八日權禮部侍郎施炯等言今來迎護歲宗皇帝顯肅皇后懿皇后梓宮到行在於龍德宮安奉今參酌欲乞於次日皇帝率奉迎官詣梓宮前上香奠酌如允所乞令太常寺條具申請施行詔依

同日禮部太常寺言今來迎護梓宮到行在車駕至臨平鎮迎奉今參酌合行事件下項 一迎奉日欲乞是日皇帝自內服忌日之服其文武官並常服黑帶去金玉飾隨駕禁衛等並權服青紫褐衫帶子俟車駕還內訖並仍舊 一欲乞是日皇帝不視事百司作休務假 一

合用御封降真香二合祝文三首

並述以皇帝百官出城迎奉行祭奠之意

一合用供養牙盤食茶酒果香案香爐匙合炭火器

四等並就令迎護梓宮都大主管所指揮所屬排辦

一梓宮三般安奉合差讀祝文官三員乞降勅差禮部

郎官并太常博士主簿充 一乞至日早三刻開餘杭

門詔依

二十日禮部太常寺言今參酌比附到迎奉合行事件

一其日俟皇帝迎奉梓宮行禮畢宰執率應立班官詣御幄前再拜奉慰 一迎梓宮竊慮至日不測雨降今欲乞令儀鸞司同臨安府自河次御幄前至梓宮駐船處修蓋席屋并絞縛岸次馬頭詔依

二十五日迎護梓宮禮儀使司言今來迎護徽宗皇帝顯肅皇后懿節皇后梓宮計程頓於八月二十九日到臨平鎮詔令孟忠厚於八月二十九日卯時迎護梓宮至臨平鎮

同日尚書省言車駕于今月二十八日詣臨平鎮迎奉梓宮

同日禮部太常寺言迎護梓宮禮儀使司申三殿梓宮下至管事李燬等狀將來梓宮到行在應隨行官吏等

乞迎車駕起居後批送禮部同合屬去處看詳申尚書省今看詳迎護梓宮禮儀使一行官屬並合服黑帶去金至日朝見起居乞從閣門就皇帝御幄前引見起居如閣門儀其三殿梓宮下主管事李燬等內有官人亦合服常服黑帶隨班引見起居內無官人等合服青紫衫於河次迎駕起居所有禮儀使一行官屬俟起居畢易總麻服先次迎護梓宮至龍德宮權安奉行燒香之禮詔依

同日禮部太常寺言已降指揮皇帝詣臨平鎮迎奉乞令迎護梓宮都大主管所指揮梓宮舟船撐駕棹梢俟將至迎奉處相續進行以俟皇帝迎奉行禮詔依同日詔將來詣臨平鎮迎奉梓宮回特作歇泊假二日

同日榮州防禦使帶御器械邢孝揚狀竊覩徽宗皇帝
顯肅皇后懿節皇后梓官將到孝揚係懿節皇后親弟
即與尋常事不同欲望指揮許孝揚同百官前立班
奉迎詔依

二十六日尚書省言車駕二十八日自鹽橋登舟

同日閣門言將來車駕指臨平鎮迎奉梓宮今比附參
酌合行事件下項一車駕進發日宰臣以下合扈從

官并祇應官依已降指揮並易黑帶去金玉飾履笏赴後殿

起居訖從駕一沿路如有宰臣執政官奉事及上殿

臣僚閣門官奏事仍令入內官引一沿路如值雨雪

濕臣僚等並免起居一沿路得旨上殿臣僚令戎服

上殿如未經納家狀者亦聽免一進發沿路迎駕起居

等班次每日輪差人三員贊唱祇應一比州縣鎮官

免赴迎駕起居仍不得輒離本界詔依

二十七日太常寺言御輦院狀已降指揮車駕至臨平

鎮迎奉梓宮所有御座二乘身並竿子並係朱紅漆金

鍍銀裝釘葉段等紅羅衣褥條索並係梅紅即未審合

與不合別行討論顏色包裹欲乞指揮太常寺討論本

寺討論迎奉日合供進常日御座衣褥等即不合包裹

詔依

中興禮書第二百四十二卷

凶禮七

永祐陵

皇帝迎奉梓宮儀

其日自內皇帝服忌日之服乘輦出內詣臨平鎮迎奉處御幄俟梓宮舟將至御史臺太常寺閤門分引應合至臨平鎮立班官隨地之宜立班定俟皇帝自御幄服忌日之服乘輦至河次御幄降輦歸幄前導太常卿太常博士禮直官立於幄之前俟皇帝易總麻之服訖以俟徽宗皇帝梓宮舟至閤門報班齊禮直官太常博士引太常卿當幄前俛伏跪奏稱太常卿臣某言請皇帝迎奉徽宗皇帝顯肅皇后懿節皇后梓宮祭奠之禮奏訖

伏興退復位簾捲禮直官太常博士太常卿前導皇帝登舟詣徽宗皇帝梓宮香案前立奏請拜皇帝再拜在位官皆再拜訖又奏請上香再上香三上香內侍進茶酒又奏請跪一奠茶奠酒再奠酒三奠酒俛伏興奏請少立讀祝文官跪讀祝文訖興退歸本班人奏請皇帝舉哭在位官皆舉哭俟哭止又奏請拜皇帝再拜在位官皆再拜訖禮直官太常博士太常卿導皇帝歸御幄簾降俟徽宗皇帝梓宮舟過顯肅皇后梓宮舟至簾捲前導官前導皇帝出幄登舟詣顯肅皇后梓宮前行禮讀祝並如上儀訖歸御幄簾降俟顯肅皇后梓宮舟過懿節皇后梓宮舟至簾捲前導官前導皇帝出幄在位官拜前導皇帝登舟詣懿節皇后梓宮香案前奏請上

香再上香三上香內侍進茶酒又奏請一奠茶三奠酒讀祝文官跪讀祝文訖興退歸本班立又奏請舉哭皇帝舉哭在位官皆舉哭俟哭止又奏請致欵不拜在位官皆再拜訖前導官前導皇帝歸御幄簾降禮直官太常博士引太常卿當御幄前俛伏跪奏稱太常卿日某言禮畢訖伏興復位退歸本班若值雨降立班官止就幕次內立班舉哭隨班拜上次應立班官移班就御幄前再拜奉慰訖退就次易常服黑帶皇帝就幄易忌日之服訖乘輦還內如來儀次引讀祝文官監視焚燎祝版訖退

造梓宮

紹興九年七月二十六日禮部太常寺言迎護梓宮奉兩宮交割地界使王倫等奏今來迎護梓宮所有樣制

未蒙降到乞降睿旨付禮部太常寺討論降下以憑遵
依製造奉聖旨依令討論申尚書省尋勒甲頭省記到
昨昭慈聖獻皇后梓宮高濶長短梓制到梓宮一大頭
蓋濶三尺二寸厚四寸五分兩廂壁高三尺底厚四寸
五分牙脚高一尺四寸通高五尺三寸上口濶三尺一
寸下口濶三尺四寸底濶三尺五寸牙脚下濶三尺九
寸上口裏明濶二尺四寸下口裏明濶二尺七寸裏明
長八尺五寸前後當共厚八寸前後坐席五寸通長九
尺八寸一小頭濶二尺八寸蓋厚四寸五分兩廂壁高
二尺七寸底四寸五分牙脚高一尺二寸通高四尺八
八寸上口濶二尺七寸下口濶三尺底濶三尺一寸牙
脚下濶三尺四寸上口裏明濶二尺下口裏明濶二尺

三寸兩壁底上釘環還四箇樣係瓦肚造作兩廂壁中
心瓦肚處前後各厚四寸五分兩廂壁上下口各厚三
寸五分禮部太常寺今討論欲依前項制度仍乞候迎
護樣宮到日相度濶狹長短隨宜製造施行詔依
二十九日禮工部言奉迎兩宮扈從禮儀使司申具到
迎護梓宮物色乞支降錢物應付使用後批送禮工部
同太常寺看詳申尚書省今具下項 一合用雨具并
梓宮彩殿油幕罩子等今看詳欲乞止用單油絹依梓
宮衣製造稍加寬大過雨遮護所有其餘雨具力士油
衫油帽即不合製造 一製造梓宮衣二件用紅羅三
匹藍羅三匹紅絹一匹諸般顏色壓羅一十四匹銀鐸
兒三百箇銀鈴兒六百箇計銀一百五兩并生色等今

看詳合行製造欵乞令提舉排辦一行事務官約度製
造施行詔依

十二年五月九日迎護梓宮禮儀使信安郡王孟忠厚
言檢會紹興九年指揮候奉迎梓宮至龍德宮安奉畢
相度隨宜製造二榭座合用沙板如到界首便合製造
所有合用榭板物料工匠等今迎護禮儀使一面計置
可以造作去處製造詔依少保會要十二年四月十五日
軍府事兩浙東路安撫使信安郡王孟忠厚言紹興九
年十一月二十七日指揮候奉迎梓宮至龍德宮奉安
畢相度隨宜製造榭如到界首便合製造所有合用
榭物料工匠等當慮時臨去庶免闕誤詔令迎護禮
儀使一面計置處酌度事宜臨時指定製造去處取旨

大欵

紹興十二年七月五日禮部太常寺言權禮部侍郎施

垆等劄子國朝改卜安陵故事欵衣欵物並皆改造今
來徽宗皇帝顯肅皇后懿節皇后梓宮來歸其欵衣欵
物於禮例合行製造奉聖旨令禮部太常寺討論制度
申尚書省令討論下項 一檢會改卜安陵降詔令內
侍與少府監修製宣祖皇帝衮冕昭憲皇后花釵罩衣
所有今來徽宗皇帝梓宮欵衣欵比附前項故事修製
充冕其顯肅皇后懿節皇后梓宮欵衣修製花釵罩衣
並乞令文思院依五禮新儀所載名件制度造作內合
用珠玉等乞依見今承元順承殿神御所服禮例 一
今來逐位梓宮合用欵物乞令太史局依自來山園陵
大欵禮例闕報文思院修製合入梓宮神殺欵物 一
今來所造前項欵衣欵物候文思院修製了畢令本院

中吏部差使臣一員管押前去迎護梓宮禮儀使司交割詔依
同日權禮部侍郎施洵等言禮部太常寺討論徽宗皇帝顯肅皇后懿節皇后梓宮歛衣歛物除已具制度申乞製造外今切詳稱宮各經歲月難以改歛兼慮有瀆神靈其製造到衣服等合於梓宮之外槨之內鋪設安奉詔依

殿櫨

紹興十八年八月一日禮部太常寺言將來迎護梓宮至龍德宮殿櫨并將來發引赴櫨宮主管一行事務故例合差都太主管官一員伏乞降勅差入內內侍省官充詔依

二日禮部太常寺言今參酌到殿櫨合行事件 一奉

迎梓宮至龍德宮合行殿櫨以俟修奉櫨宮合用柏槩籠帳物色等乞令都大主管官指揮所屬計置排辦

一迎護梓宮至龍德宮合差官照管乞入內內侍省差內侍官四員分番宿直掌管香火等所有合差把門巡宿親事官等今所差官條具申請詔依

十七日臨安府言本府應副梓宮至龍德宮合用柏槩四千七百餘口本府難以逐急製造欲乞以沙羅木相兼充代乞劄下所屬契勘可與不可使用太常寺狀將來殿櫨所用柏槩籠帳綠柏木數少已降指揮將來櫨宮就用其沙木監久止乞柏木沙木相兼使用詔依

三十三日禮部太常寺言殿櫨發引都大主管所狀契

勅將來徽宗皇帝顯肅皇后懿節皇后梓宮至龍德宮
即不見得更互僧道係自幾日合入及各用若干人數
并作水陸黃籙大會日分伏乞朝廷指揮降下後批送
禮部同太常寺看詳申尚書省今看詳欲俟梓宮至龍
德宮日前殿依昨降指揮各差僧道三十五人後殿差
僧道三十人各作道場一日殿橫日各殿作水陸啟橫
日各作黃籙發引前一日共作大會其僧道更互本所
合依昨來已行事理施行詔依九月一日詔作道場等
日依到日例
更作道場
二十五日禮部太常寺言已降指揮梓宮到龍德宮安
奉次日皇帝率迎奉官詣梓宮前上香奠酌今參酌條
具申請下項 一欲乞是日皇帝自內服忌日之服詣

龍德宮易總麻服行上香奠酌之禮其隨駕禁衛等並
權服青紫褐衫帶子俟車駕還內訖並仍舊 一是日
皇帝不視事百司作休務假次日作歇泊休務假一日
一合用御封降真香三合 一合用供養牙盤食茶
酒果三位乞令御厨翰林司依例排辦 一合用香案
香爐匙合炭火奠茶酒盆臺器四等欲乞從都大主管
所行下逐殿主管香火官排辦 一其日陪位文武官
並就次易總麻服立班陪位訖服吉帶俟車駕還內畢
次詣常御殿門外進名奉慰訖退 一其日不係從駕
官先赴龍德宮門外幕次以俟迎駕起居如閣門儀詔
依九月九日殿橫行禮
畫一排辦等並仿此
二十七日權禮部侍郎施垌等言已降指揮梓宮到龍

德宮次日皇帝行奠醑禮畢百僚奉慰又緣今來梓宮
係二十九日卯時到臨平當日可以到龍德宮九月一
日行奠醑禮所有九月旦日奉慰并奠醑畢奉慰今欲
乞至日俟奠醑畢令百僚服常服詣常御殿門外一就
奉慰詔依

九月一日禮部太常寺言參今酌比附到殿攢時奏告
合行事件 一合用御書封降真香三合祝文三首述並
以殿攢時前 一合差讀祝文官三員欲輪差本寺官充
奏告之意

一奏告行禮官并讀祝文官並前一日致齋於龍德
前一日宮 一殿攢方位欲乞令都大王管所差太史

局剋擇官選定宋會要十二年八月二十七日太史局
用吳時吉殿攢方位置宜于正東偏北田地時前祭並
吉啟攢日宜用九月二十六日乙卯時宜用辰時吉發

引日宜用九月二十六日乙卯時宜用申時吉掩攢宮
日用十月七日丙寅與梓宮時宜用乙時吉掩攢宮時
宜用丁時吉掩攢宮時宜用乙時吉掩攢宮時
二十九日早晚御膳並進素 申本所取旨施行
詔依

同日詔皇太后欲詣龍德宮梓宮前燒香令禮部太常
寺討論合服是何衣服申尚書省勘會近奉迎兩宮扈
衛都大主管所降指揮令鎮江府製造皇太后見梓宮
所服總麻服淺淡之服龍德宮幄次易總麻服所有至
齋節皇后梓宮前燒香一殿安奉難以更行易服於禮
自合以重包輕就服總麻服詔依

二日詔今月三日皇太后詣龍德宮燒香可遍行下合
屬官司疾速排辦

六日權禮部侍郎施烱等言今來迎護崇宗皇帝顯肅

皇后懿節皇后梓宮到龍德宮其殿櫬至引發依體例並係車駕行禮事體至重乞差太傅一員後從車駕行禮取旨降勅差宰臣充詔依

七日權禮部侍郎施炯等言已降指揮殿櫬日不視事群臣奉慰今乞是日文武百僚候殿櫬行禮畢就次易吉服先詣常御殿門外立班進名奉慰訖次進名慰皇太后詔依

同日禮部太常寺言殿櫬時前奏告行禮官欲乞降勅就差永固陵櫬宮總護使行禮詔依

同日又言今來迎護梓宮到龍德殿擇日殿櫬依故事俟殿櫬畢是日車駕詣梓宮前行上香祭奠之禮緣所選時刻係用九月九日巽時奉遷梓宮至殿櫬方位用

柏擊籠帳所有至日車駕詣龍德宮行禮欲俟殿櫬畢今禮直官具申御藥院奏請車駕詣宮行禮詔依皇帝率迎奉官詣梓宮前上香奠醑儀

其日自內皇帝服忌日之服乘輦出內詣龍德宮殿門外降輦歸御幄簾降次文武官並就次易總麻服訖御史臺太常寺閣門分引陪位文武官隨地之宜立班定前導太常卿太常博士禮直官立于御幄之前俟皇帝易總麻服訖閣門報班齊禮直官太常博士引太常卿當御幄前俛伏跪奏稱太常卿臣某言請皇帝詣徽宗皇帝梓宮前行上香奠醑之禮奏訖伏興退復位簾捲前導官前導皇帝詣徽宗皇帝梓宮殿下褥位西向立奏請拜皇帝再拜在位官皆再拜訖前導官前導升詣

徽宗皇帝梓宮香案前北向立奏請上香再上香三上香跪內侍進茶酒又奏請奠茶奠酒再奠酒三奠酒俛伏興又奏請舉哭皇帝舉哭在位官皆舉哭俟哭止又奏請拜皇帝再拜在位官皆再拜訖前導官前導皇帝詣殿下褥位西向立奏請拜皇帝再拜在位官皆再拜訖前導皇帝歸御幄簾降禮直官太常博士引太常卿當幄前俛伏跪奏稱太常卿臣某言禮畢奏訖伏興復位立前導並陪位官退詣顯肅皇后懿節皇后梓宮殿下立班定俟皇帝歸御幄簾閣門報班齊禮直官太常博士引太常卿當幄前俛伏跪奏稱太常卿臣某言請皇帝詣顯肅皇后懿節皇后梓宮前行上香奠酌之禮奏訖伏興退復位簾捲前導官前導皇帝詣顯肅皇后梓

宮殿下褥位西向立奏請拜皇帝再拜在位官皆再拜訖前導官前導皇帝升詣顯肅皇后梓宮香案前北向立奏請上香再上香三上香跪內侍進茶酒又奏請奠茶奠酒再奠酒三奠酒俛伏興又奏請舉哭皇帝舉哭在位官皆舉哭止又止又奏請拜皇帝再拜在位官皆再拜訖前導官前導皇帝詣懿節皇后梓宮香案前北向立奏請上香再上香三上香內侍進茶酒又奏請奠茶奠酒三奠酒又奏請舉哭皇帝舉哭在位官皆舉哭俟哭止奏請欽欽不拜在位官皆再拜訖前導官前導皇帝詣殿下褥位西向立奏請拜皇帝再拜在位官皆再拜訖前導官前導皇帝歸御幄簾降禮直官太常博士引太常卿當幄前俛伏跪奏稱太常卿臣某言禮畢

奏訖伏興復位立前導并陪位官退皇帝就御幄易忘
日之服訖乘輦還內如來儀殿此殿上皇帝行禮儀注並仿
帝升殿行禮之疾皇太后扶視必躬皇帝親及禮畢謂輔臣
曰朕與聖嗣同辦後事時節之役亦然今三梓宮之來啟
太石與聖嗣同辦後事時節之役亦然今三梓宮之來啟
服其思慮深處如龍德宮易日總麻至梓宮前燒香往同
就禮麻服之先服是太常寺言輕服節麻梓宮殿奉至時
至龍德宮各殿作黃籙道場一日殿橫日各殿作會同日
橫日各殿作黃籙道場一日殿橫日各殿作會同日
宮合差官一肩榮並依慈聖獻后梓宮主官已得旨外可
觀衛茂向元積都監同日隨從梓宮一行官吏諸
色人等特換萬里勤瘁可嘉各優與推恩諸人內最
有功者賜換從各官如有一願轉資及放停者聽
優與文賜換從各官如有一願轉資及放停者聽
郵官李道言顯肅皇太后下王管內侍官杜遵彥下
郎官杜道言顯肅皇太后下王管內侍官杜遵彥下
侍官杜道言顯肅皇太后下王管內侍官杜遵彥下
康和元係田安徽宗改賜姓名自忠國城起發祇應賈

安等四名推恩有差同日詔直殿閣以迎護梓宮發遣兩浙路
轉運副使黃執書除直殿閣以迎護梓宮發遣兩浙路
往回應副使黃執書除直殿閣以迎護梓宮發遣兩浙路
詔迎護副使黃執書除直殿閣以迎護梓宮發遣兩浙路
安等各轉一官畢減所有一行官吏等兵諸色一官應入等第
一等第三等恩太常丞吳樞內王管機宜文字孟子禮儀使迎
奉梓宮回任

按地

紹興十二年六月三日權工部尚書莫將等言禮部太
常寺狀勘會見迎護徽宗皇帝顯肅皇后并大行皇后
梓宮將來到行在於龍德宮安奉之後未審依國朝故
事修奉陵寢唯復依昨紹興元年昭慈聖獻皇后禮例
修奉橫宮實緣事大體重伏望朝廷詳酌取旨依昨議
徽宗皇帝神主祔廟例集議施行奉聖旨依將等議曰

卷二十四十二
十

中興禮書第二百四十三卷

凶禮八

永祐陵

按地

紹興十二年六月三日權工部尚書莫將等言禮部太常寺狀勘會見迎護徽宗皇帝顯肅皇后並大行皇后梓宮將來到行在於龍德宮安奉之後未審依國朝故事修奉陵寢唯復依昨紹興元年昭慈聖獻皇后禮例修奉橫宮實緣事大體重伏望朝廷詳酌取旨依昨議徽宗皇帝神主祔廟例集議施行奉聖旨依將等議曰將來迎護徽宗皇帝顯肅皇后大行皇后梓宮到行在之後依故事合迎奉赴西京河南府修奉山園陵竊聞

今來朝廷通使見議陵寢地兼太史局稱今歲係是五行墓殺之年不宜大葬今檢詳國朝會要景德元年明德皇后之喪禮官初議合修奉園陵行大葬禮司天監建議今年不通只宜於北偏壬地權橫詔可所有將來修奉陵寢欲望遵依景德故事權行修奉橫宮詔恭依七日權禮部侍郎施垌等言今檢會修奉橫宮禮例合差按行使一員副使一員伏乞朝廷降勅差官詔差萬俟卨充徽宗皇帝顯肅皇后大行皇后橫宮按行使宋唐卿充副使

十四日紹興府中繳到會稽山龍瑞宮道士潘道璋陳獻會稽山龍瑞圖本可以為橫宮詔萬俟卨前去按行俟見得可否續具奏聞

二十三日御史中丞兼侍讀萬俟卨入內侍省副都知宋唐卿言臣等奉勅前去浙東按行橫宮已蒙朝廷降到紹興府龍瑞宮圖臣等見欲起發若至龍瑞宮相視有國音不用者必須別行選擇臣如民間亦有善地理之人緣未知朝廷選擇橫宮雖有善地未敢獻陳俟到浙東相視龍瑞宮地如不可用欲乞揭榜曉示州縣許人陳僮有便利可用之地即申朝廷優加勸賞庶幾早得辦事詔依

二十三日萬俟卨宋唐卿言奉勅差充浙東按行橫宮欵置司屬暫泊越上去昭慈聖獻皇后橫宮咫尺臣等欵依頃時臣僚經過陵寢故例前朝謁詔依

七月十一日詔徽宗皇帝顯肅皇后懿節皇后橫宮吉

寶華堂
皇后橫宮吉地今臨安府名人陳獻將來優與酬賞
十五日太常寺言橫宮按行使萬俟卨副使宋唐卿奏
恭奉聖旨前來按行橫宮且等躬親詣龍瑞宮地頭相
驗得卽與國音信利相違不可使用又有獻到泰寧寺
青山園地在昭慈聖獻皇后橫宮之東其地係天柱壽
山低怯與國音有妨臣等別按視到昭慈聖獻皇后橫
宮西北一帶據太史局狀稱契勘南方水鄉地淺不比
西陵土深今相視到昭慈聖獻皇后橫宮西北地段壽
命王山三男子孫之位形勢高大林木鬱茂土色黃潤
一帶王氣秀聚宜于此地下穴修製橫宮庶幾山岡順
于國音風水便于地理乃為聖宋萬世之利太常寺禮
直官狀稱元降指揮昭慈聖獻皇后橫宮禁地四至各

一百步若于禁地外別立永固陵橫宮籬寨即無妨礙
今來西北百步禁地之外地形低下不可安穴分立神
園欲于北壁偏西五十步之內自南北穴別立永固陵
外籬寨次北偏西安穴隨地之宜分立神園各立內外籬
寨臣等今按視到上件地段勒太史局相驗共到狀稱
其地順于國音風水便于地理可以使用太常寺禮直
官狀稱若于昭慈聖獻皇后橫宮西北百步禁地之外
別立永固陵橫宮籬寨緣百步之外地形低下不可安
穴分位仍去本宮妨礙屋宇等今先具合行申請事件
一太史局狀勘會若降指揮許用今來相視到地段
合行分擘神園候奏告了日所有昭慈聖獻皇后橫宮
裏樞星門外巡檢廨舍并籬寨窠木如妨礙打量索路

欲乞至日本局指引除去 一太常寺禮直官狀勘會
 將來安穴分定立神圍其礙打量索路去處合擇日差
 官奏告昭慈聖獻皇后橫宮應時下手去拆 一合用
 御封降真香一合祝文一首 述以為分立永固陵橫宮
 歲宗皇帝顯肅皇后懿節
 皇后神穴神圍除去妨礙降付所差降香人一就齋降
 屋舍雜塞窠木奏告之意付昭慈聖獻皇后橫宮司 一合差奏告官一員太祝
 一員乞從橫宮按行使司就差本司幹辦官并屬官文
 臣充並前一日致齋 一合用奏告日時乞令橫宮按
 行使司剋擇官候香祝到日選定行下所屬排辦 一
 合用供養牙盤食茶酒果蠟燭蠅草等乞下紹興府排
 辦詔依

二十七日永固陵橫宮復按使鄭億年副使李珪言臣

等恭依聖旨前去紹興府復按永固陵橫宮地步合要
 按行使副萬俟卨等已經進呈圖本照使詔依

八月十二日永固陵橫宮按行使萬俟卨副使宋唐卿
 言按行到永固陵橫宮地段內三神圍有低下去處據
 太史局太常寺狀契勘昨按行到昭慈聖獻皇后橫宮
 西地段可以充永固陵橫宮已選擇到氣聚吉穴於陰
 陽經書國音便利別無妨礙其第一穴神圍至昭慈聖
 獻皇后橫宮籬寨相去二十五步第二第三穴神圍各
 相去五步已申朝廷令太常寺看詳到上件地步許行
 使用兼元奏圖本內已行稱說神穴三圍所用地步濶
 遠地勢高下不等如將來修奉橫宮合臨時量度地形
 淺深依法隨宜開墾及有低下去處依陵寢故例及經

法亦合隨宜補治依已降指揮約度標劄了當其三穴
內有地形低下去處若趨那近上就高阜處標穴乞下
按行使司于已按行到地內從上選擇氣聚吉穴趨那
標劄別無妨礙奉聖旨俟高等依前項指揮將帶太史
局等一行官屬起發前去紹興府于已接到地內從上
選擇吉穴趨那標劄訖詔依

二十八日永固陵攢宮復按使鄭億年副使宋唐卿言
恭依詔旨前去紹興府趨那標劄永固陵攢宮神穴神
圍地段億年等將帶按行復按司太史局太常寺官吏
等詣頭相視打量步數遠近今相視得第一神穴趨那
近南一十五步近東七步半其神圍依舊作自方三十
五步第二神穴依經貫行趨那近南三十五步其神圍

自方亦作二十五步通趨那近南計三十五步並係氣
聚吉地安立神穴神圍及不與昭慈聖獻皇后攢宮貫
衲依得陰陽經書與國音及典禮並無妨礙億年等已
趨那標劄訖詔依標劄定

九月五日攢宮按行副使宋唐卿言修奉攢宮神圍係
與復按使鄭億年同去那融所有將來按行瑩城亦乞
同鄭億年前去詔依

中興禮書第二百四十四卷

凶禮九

永祐陵

修奉櫬宮

紹興九年正月十七日禮部太常寺言檢會國朝山園陵故事升遐後修製皇堂命宰臣上陵名昨聞徽宗聖文仁德顯考皇帝顯肅皇后升遐即與國朝故事不同故未建陵名今已將及大祥雖未置皇堂若不先建陵名則春秋二仲有妨薦獻行事乞詳酌不候修製皇堂先次取旨命宰臣上陵名自大祥後仲春之月為始每過薦獻及非泛奏告諸陵添設徽宗聖文仁德顯考皇帝顯肅皇后位以稱欽崇之意詔依

客省使王贊副之神宗朝慈聖元獻皇后山陵命龍圖閣直學士韓鎮為按行使入內副都知王中正副之參用天臣于體為重所有按行使欵差侍從或前執政故有是命

十二年六月二十一日權禮部侍郎施垌等劄子勘會國朝祖宗陵寢各以陵名為稱昨昭慈聖獻皇后攢宮行移並以昭慈聖獻皇后攢宮司為稱所有將來修奉徽宗皇帝顯肅皇后大行皇后攢宮慮恐難以兼稱三梓宮謚號恭親先降指揮命宰臣撰陵名曰永固依禮制顯肅皇后大行皇后係合祔徽宗皇帝陵雖未建陵寢所有攢宮行移稱呼欵乞以永固陵攢宮司為稱詔依

八月二日攢宮修奉都護楊存中等言國朝山園陵神臺神園雖各有制度緣昨來昭慈聖獻皇后攢宮係隨

宜修奉今來永固陵攢宮除神園陵籬寨遠近步數依按行使司所標劄遠近步數外其修奉欲乞並依昭慈聖獻皇后攢宮制度詔依

二十六日禮部太常寺言今先次參酌討論到徽宗皇帝顯肅皇后懿節皇后攢宮合行典禮修置攢宮下手日依故事合行祭土其行禮官亦係按行使行禮乞依故事施行詔依

二十七日禮部太常寺言永固陵攢宮修奉都護楊存中等劄子與勘見修奉永固陵攢宮所有將來下手與工緣附近昭慈聖獻皇后攢宮竊慮於典禮合行奏告乞指揮討論施行劄付禮部同太常寺討論申尚書省今討論其興工下手日合行奏告昭慈聖獻皇后攢宮

今具合行事件下項 一奏告合用御封降真香一合

祝文一首 是以為修奉永固陵攢宮之意 降付入內侍省

差人一就齋降前去昭慈聖獻皇后攢宮 一奏告合

用牙盤食茶酒果等并合差太祝一員並乞令紹興府

依自來奏告禮例排辦所有奏告官乞就差修奉使司

都壕寨官一員於祭土破地日五更奏告行禮詔依

同日詔永固陵攢宮祭土按行副使宋唐卿見主管殿

攢職事相妨令本司差屬官前去同日權禮部侍郎施

垌等言今來修奉攢宮祭土破土合用日時據太史局

選到宜用九月三日壬辰吉時宜用其日異時吉詔依

同日禮部太常寺言永固陵攢宮修奉使司狀權禮部

侍郎施垌等劄子檢會國朝諸陵禮例內上宮崇奉神

臺下宮崇奉帝后御容及就陵寢側近修蓋佛寺契勘

昨昭慈聖獻皇后攢宮係將側近化成寺改賜作泰寧

寺及令修奉所就泰寧寺內擗截充下宮崇奉御容所

有今來修奉永固陵攢宮修蓋佛寺欲依永裕永泰陵

就用寧神院禮例將永固陵佛寺就用泰寧寺其崇奉

徽宗皇帝顯肅皇后懿節皇后御容下宮令修奉所預

先相度體做見今修蓋到龍德宮間例修奉施行兼契

勘永固陵攢宮都監廨舍并吏舍亦乞一就指揮令比

做見今昭慈聖獻皇后攢宮廨舍吏舍未審相去上宮

遠近及於是何方位去處修蓋伏乞朝廷指揮降下送

禮部同太常寺討論申尚書省今討論修奉下宮并都
監廨舍吏舍依禮例合於上宮之後隨地修蓋所有方

位乞令修奉所尅擇官指引利方詔依

九月一日詔永固陵攢宮合差官吏等並依昭慈聖獻皇后攢宮已得指揮外可更差香火官一員崇奉其請給等比附施行

十月十九日太常寺言永固陵攢宮修奉使司狀永固陵攢宮已降指揮百步內不得採斫窠木動土取塚之類如有違犯之人令巡檢收捕送越州依法施行竊緣百步內並無禁止界欲乞令修奉所修置封塚所貴有以誠約免致小人誤犯後批送禮部勘當申尚書省尋下太常寺勘會永固陵攢宮所置封塚合依昭慈聖獻皇后攢宮已得指揮奉聖旨依本司尋差委二宅天文官幹辦官都壕寨官等於永固陵攢宮四至百步內檢

視得有第三宮正東籬圍外百步內有百姓莊一等三家住屋後有墓二箇又屋東有小池子一箇東南角牆外七步有小墓子一箇東地角牆外五步有小墓子一箇西北角牆外七步有小墓子三箇送太史局同共太常寺討論申尚書省本寺據太史局看詳永固陵攢宮禁地封塚等並依昭慈聖獻皇后攢宮已得指揮今檢照得昨昭慈聖獻皇后攢宮禁地百步內有墳四所及居民四家並係鄉村看山園莊屋小民所居當時止令向外開門出入今後不得動土塚鑿修蓋舍屋及安殯墳墓即不曾改遷所有今來莊一等家舍屋并墳墓合依昭慈聖憲皇后攢宮已得指揮施行更不改遷止令今後不得動土塚鑿修蓋舍屋及安殯墳墓本寺今啟

同共擬定開奏今准連到後省劉子所供有永祐二字
不犯歷代陵名委是可用詔恭依

十五日禮部太常寺言勘會已擬定陵名合選日奏告
攢宮今具合行事件 一奏告日辰據太史局申宜用
二月二十八日丙戌吉 一合用表文二通奏告徽宗

皇帝顯肅皇后並述以擬定永祐陵奏告之意御封降直香二合並差
人齋付攢官司 一合差獻官一員以紹興府見外任

官宗室充太祝一員文臣有出身人充並前一日致齋
及排辦供養喫食茶湯酒果等令攢官司報紹興府依
自來奏告例差官排辦 一今來已擬永定祐陵其行
移稱呼合候二月二十八日奏告畢稱永祐陵攢官司
乞令進奏院遍牒施行詔依

啟攢

紹興十二年九月十二日禮部太常寺言將來梓宮已
選定用九月二十六日啟攢所有時前奏告合行事件
今具下項 一啟攢時前奏告並啟攢日合用御封降
真香六合祝文三首並述以啟攢時前奏告之意 一時前奏告行

禮官欲乞降勅差永固陵攢宮總護使行禮 一合差

讀祝文官三員欲乞輪差本寺官充 一奏告行禮官
並讀祝文官並前一日致齋將來啟攢時係用丑時八

刻具奏告係時前行禮令臨安府於行宮南門外踏逐
寺院致齋 一依故事啟攢日不視事群臣奉慰是日
率駕詣梓宮前行啟攢燒香之禮今欲依故事施行仍
用應服總麻服文武官至日並常服黑帶詣龍德宮幕

次易總麻服陪位立班訖次易常服吉帶詣常御殿門外進名奉慰次進名慰皇太后仍乞百司作休務假一日一陪位官立班去處緣龍德宮地步隘窄欲乞隨趨那立班竊慮至時雨降濕潤欲乞令御史臺閣門前期相度申請施行詔依

十七日權禮部侍郎施垌等言九月二十六日啟攢至日俟啟攢訖請皇帝詣龍德宮行啟攢燒香之禮文武官陪位立班緣同日又係是顯恭皇后忌辰文武百僚又赴順承殿立班行香欲乞是日應服總麻服文武官陪位立班訖次服常服詣常御殿門外奉慰畢次赴順承殿立班行香詔依

啟攢儀

其日自內皇帝服忌日之服乘輦出內詣龍德宮殿門外降輦歸御幄簾降文武官並就次日總麻服訖御史臺太常寺閣門分引陪位文武官隨地之宜立班定前導太常卿太常博士禮直官立於御幄之前俟皇帝易總麻服訖閣門報班齊禮直官太常博士引太常卿當幄前俛伏跪奏稱太常卿臣某言請皇帝詣徽宗皇帝梓宮前行啟攢燒香之禮奏訖伏興退復位簾捲前導官前導皇帝詣徽宗皇帝梓宮殿下褥位西向立奏請拜皇帝再拜在位官皆再拜訖前導官前導皇帝升詣徽宗皇帝梓宮香案前北向立次禮直官引太傅升殿後從奏請上香再上香三上香跪內侍進茶酒又奏請奠茶奠酒再奠酒三奠酒俛伏興又奏請舉哭皇帝舉

哭在位官皆舉哭俟哭止又奏請拜皇帝再拜在位官
皆再拜訖前導官前導皇帝詣殿下褥位西向立禮直
官引太傅降階復位立奏請拜皇帝再拜在位官皆再
拜訖前導官前導皇帝歸御幄簾降禮直官太常博士
引太常卿當幄前俛伏跪奏稱太常卿臣某言禮畢奏
訖伏興復位立前導并陪位官退詣顯肅皇后懿節皇
后梓宮殿下立班定俟皇帝歸御幄簾降閤門報班齊
禮直官太常博士引太常卿當幄前俛伏跪奏稱太常
卿臣某言請皇帝詣顯肅皇后懿節皇后梓宮前行啟
櫨燒香之禮奏訖伏興退復位簾捲前導官前導皇帝
詣顯肅皇帝梓宮殿下褥位西向立奏請拜皇帝再拜
在位官皆再拜訖前導官前導皇帝并詣顯肅皇后梓

宮香案前北向立次禮直官引太傅升殿後從奏請上
香再上香三上香跪內侍進茶酒又奏請奠酒三奠酒
俛伏興又奏請舉哭皇帝舉哭在位官皆舉哭俟哭止
又奏請拜皇帝再拜在位官皆再拜訖前導官前導皇
帝詣懿節皇后梓宮香案前北向立奏請上香再上香
三上香內侍進茶酒又奏請奠茶奠酒再奠酒三奠酒
又奏請舉哭皇帝舉哭在位官皆舉哭俟哭止奏請致
欽不拜在位官皆再拜訖前導官前導皇帝詣殿下褥
位西向立禮直官引太傅降階復位立奏請拜皇帝再
拜在位官皆再拜訖前導官前導皇帝歸御幄簾降禮
直官太常博士引太常卿當幄前俛伏跪奏稱太常卿
臣某言禮畢奏訖伏興復位立前導并陪位官退皇帝

就御幄易忌日之服訖乘輦還內如來儀

中興禮書第二百四十五卷

凶禮十

永祐陵

發引

紹興十二年六月八日禮部太常寺言今討論依故事合差撰徽宗皇帝顯肅皇后大行皇后哀冊伏乞降勅差官詔撰徽宗皇帝哀冊文差尚書左僕射秦檜顯肅皇后哀冊文差參知政事王次翁大行皇后哀冊文差給事中兼直學士院程克俊

同日權禮部侍郎施垌等言三梓宮到龍德宮殿攢俟修奉所有發引月日未曾申請伏以禮者稱情立文有經有變惟其當而已謹按禮經天子七月而奠及左

氏云同執畢至皆以自初崩至葬期以七月是以國朝因山川之期做此為節蓋禮之經也至禮之變則不然考之春秋再書而不克葬以見古者雖先卜日設或有故猶不能盡循又魯君薨於外而歸葬者有二如威公喪歸後九月乃葬經明書之以志其緩杜預亦以其緩慢然則緩葬非是明矣至若昭公末年十二月薨於乾侯明年六月公喪歸秋七月遂葬按公喪之得歸已過諸侯五月之制矣故其即葬也傳注不以為亟何則喪事欲其縱縱今淹恤在外至是始歸古人于此處禮之變尤不嫌于速也魯雖列國然春秋乃聖人所紀為一王法遂事皆有褒貶而先儒獨無一言及此其當可知今茲梓宮之歸各經歲月過古葬期已久又今來安厝

止是攢奉其餘終之禮亦已備具所有七月禮制自難更行况喪事即遠有進無退倘或尚淹時月久稽安奉不惟于禮非當亦慮非寧神妥靈之義故乞隨宜稱情以一月為期擇日發引掩攢庶幾梓宮早安寔所既弗踏昔人縱葬之譏且無嫌春秋踰月之例參之古今實為允當伏望特降指揮下太史局於十月半以前選發引掩攢日分詔依

八月二十五日禮部太常寺言檢會國朝故事梓宮發引前遇旦望不視事百僚奉慰今來迎護梓宮到行在將來發引前并至掩攢宮前遇旦望乞依故事合是日皇帝不視事百僚詣常御殿門外進名奉慰詔依

二十六日禮部太常寺言將來梓宮發引日各合用大

昇輦并龍輜乞依故事令工部指揮文思院比附紹興元年體例修置應辦施行

二十七日禮部太常寺言今先次參酌討論到攢宮合行典禮申請下項 一契勘昨昭慈聖獻皇后靈駕發引日皇帝親行啟奠祖奠遣奠禮讀哀冊奉辭訖吉服還內緣服並焚之俟至攢宮有司攝事遣奠并掩攢宮之禮所有將來徽宗皇帝顯肅皇后懿節皇后梓宮自龍德宮發引日至攢宮行禮欲並依上件故事內皇帝所服總麻服俟奉辭訖令太史局差剋擇官指引利方焚之入內內俟省差官監視 一昨靈駕發引日依禮例皇帝行啟奠祖奠遣奠禮其陪位官除攢宮總護使并屬官及行事侍中等合赴陪位外欲乞用皇親南班

并諸親陪位其百官依故事於城外奉辭次赴殿門外進名奉慰所有將來梓宮發引日欲依上件故事施行內諸親係顯肅皇后懿節皇后本宅有官親屬 一各合修置入攢宮十二神等依故事係工部指揮文思院計會太史局修置 一依國朝故事發引日合用鹵簿儀仗今來即日未備欲依昨昭慈聖獻皇后故事發引日權以儀衛服青褶衫執持儀物充代乞令主管禁衛所相度差撥 一依國朝故事發引前夕并沿路宿頓至陵所並合排設警場所將來發引前夕并沿路及至攢宮宿頓欲依故事排設警場令太常寺條具申請 一依國朝故事前夕并沿路宿頓合用鼓吹并所屬修撰導引歌詞今來梓宮發引合用導引鼓吹乞令太

常寺條具申請詔依

九月六日禮部太常寺言九月二十六日梓宮發引車駕詣梓宮前行啟奠遣奠之禮太傅持節導梓宮所有合用節三副及牙床六張并盛黝纁贈玉匣三副床帕鏤匙全乞工部下文思院製造詔依

同日又言殿攢發引都大主管所狀將來梓宮發引勒作頭供具到昨昭慈聖獻皇后發引用過名件未審有無添減數目乞降下今所屬造作後批送禮部太常寺討論申尚書省今檢照國朝會要山園陵故例并昭慈聖獻皇后例用討論到下項買道輿四目方相車香輦引魂輿鵝茸輿儀棺輿各一銘旌幡輿三五穀輿紙輦各一大盟器檐床一十張花幡雪柳一十件春夏帳檐

床衣架鏹鑼檐床各三龍輜車三黝纁贈玉匣三小檐床三皂纛旗三今論前項依得昭慈聖獻皇后故例乞令文思院製造施行衣譽一十項金銀家事器物檐床二各合用金銀器物輿欲依永定陵故事每位各用一輿所有各件放故事即無該載今文思院計會殿攢事務官隨宜打造於逐殿送納其依輦令龍德宮主管香火官開具搭掛衣物名件報文思院每位各製造一十套陳列其金銀器物俟至攢宮交割下宮崇奉使用內衣物至日並行焚燒所有綵結樓子并影殿各三今討論欲乞依故例下御輦院量人數差其威儀僧道下臨安府各差一百五十人今紹興府預先依數差撥在岸祇備交替迎引詔依

七日禮部太常寺言將來修奉徽宗皇帝顯肅皇后懿節皇后攢宮乞差攢宮總護使禮儀使橋道頓遞使今參酌欲依昭慈聖獻皇后攢禮例總護使差執政官橋道頓遞使差侍從官外其禮儀使更不差官詔依總護使差樞密使孟忠厚橋道頓遞使差戶部侍郎張澄同日詔書懿節皇后哀冊文差敷文閣侍制秦梓八日禮部太常寺言殿橫發引都大主管所申昨來迎護梓宮所有圍甲頭力士等係各散到白布衫頭巾帶子今來發引即未見得係著是何色服并造作去處後批送禮部太常寺看詳申尚書省今看詳各合服細布頭巾布衫帶子欲乞下殿橫發引都大主管所先次拘收近迎護梓宮禮儀使司已造過圍甲頭力士等所服

衣服外餘闕報臨安府貼造詔依

十日禮部太常寺言將來梓宮發引今續次參酌條具下項 一契勘山園陵故事俟梓宮升大昇輦內侍前期請御封封鑱係自京至永安軍陵寢並是陸路昨昭慈聖獻皇后梓宮發引經由水鄉拆卸大昇輦當時更不封鑱今來發引係經涉大江并由水路亦係拆卸大昇輦所有將來梓宮發引日欲乞依昭慈聖獻皇后故事施行 一梓宮發引至攢宮除綵結物色外其餘大昇輦方相買道輦等候至攢宮日乞令太史局指引方位令喪奠作頭舉火焚燒 一將來梓宮發引其哀冊依故事於梓宮前陳列乞今禮部量差職掌前去沿路照管俟至交割付固陵攢宮收掌詔依

十一日殿攢發引都大主管所言契勘今來三殿發引所有一行儀衛班直親從親兵輦官威儀僧道並合於影殿樓子前後及作圍子隨從祇應所有裝衣服見今並服本色至日欲乞頭帽執骨朶服紫衫黃帶子護從祇應詔依

十二日宰臣秦檜奏准勅差撰徽宗皇帝哀冊文維紹興五年歲次乙卯四月乙亥朔二十一日乙未徽宗皇帝崩於五國城十二年八月己丑歸殯於龍德別宮十月庚申朔七日丙寅遷座於永固陵攢宮從變禮也十年生別萬里喪歸望鞏原其負隔寄稽陰兮疇依孝子嗣皇帝位御名悼至寢之弗泊優憑几以如聞思樂思嗜載悵載焚乃詔近輔追揚清芬其詞曰宋受天命同

乎舜禹謳歌訟獄悅歸藝祖六宗紹休述修厥德升平百年不睹兵革於皇徽考 考古道廣聲繼文昭公克孝粵自初載渙其大號拔賢任耆除煩解媯尊禮東朝肅欽九廟樂備韶英禮參忠質庠序崇儒旌車招逸輕刑恤辜施仁先疾撫駕登三襲經為七治內既定柔遠是圖固存蕪弱集散安居一視遐邇罔間遯踈南洽北暢東漸西濡龍卷非心崆峒高蹈命乃元子付以大寶昔在漢祖世推豁達情牽私愛尤不堅決又如唐宗淒涼西內詰冊靈武蓋非本志於皇徽考惟天為大脫屣九州曾不蒂芥揆所元以要終允超今而冠古徇塵區之迫隘駟玉虬以輕舉嗚呼哀哉勛華拱揖兮卑夔該輔文武啟佑兮周召扶將仰成能之卓偉孰克堪於對

揚嗚呼哀哉遐睇要荒分均之邦內深軫苑獨兮出諸
死中世已躋於仁壽躬乃罹之茲厄窮嗚呼哀哉寒煖
之節永違於在視苦甘之劑罔效於先嘗哀莫報於勞
瘁胡寧忍乎蒼穹嗚呼哀哉江濤萬古今有朝有汐萬
峯千仞分靡騫靡崩猗澤流而德立尚神游之億寧嗚
呼哀哉詔付書冊文官

九月

日參知政事王次翁奏勅差撰顯肅皇后

哀冊文維建夫四年歲次庚戌九月庚子朔五日甲辰
寧德皇后崩於五國城紹興七年九月庚申朔五日甲
子上尊諡曰顯肅皇后紹興十二年十月庚申朔七日
丙寅遷座于永固陵攢宮從變禮也嗣皇帝聖孝格天
追慕罔既禮飾厚終哀榮備至復命適臣鋪張往事寓

歌薤露以寫哀思其詞曰乾健坤承日照月儷坤月之
祥應時內治昔鄭司徒啟封受氏榮澤之陽壽星之次
原性之本實姬之裔歷漢及唐世濟其美三祖七房益
昌而熾宋以火興實周之對列聖臨御天作之配豈無
華宗姬姓是最坤柔月彩慶闕鍾瑞誕降嘉德倪天之
妹曰嬪于京輔佐丹宸逮下之仁躬儉之懿憂在進賢
而無無險詖陰教是徽孳音亦嗣比跡塗山追蹤瀉汭因
己超越姜嫄姒如昔在文考久御神器心疲萬機思託
思寄乃瞻東宮曰吾有子社稷宗廟克紹克繼后實贊
之而成內禪之志龍德寧德兩宮對峙饗天下養釋天
下累無倫數至富至貴否泰有極或反其類時運之之
艱百六之會翟車禴狄從狩萬里衣有漑濯飾屏珠翠

險阻艱難嘗之既備待我文考愈寅愈畏謂宜遐壽萬
有千歲昊天不弔事驚意外坤並乾圻月隨日逝文考
神靈脫屣塵世后亦從之乘雲御氣揮斥八極哀福集
祉陰相中興是基是址永永綿綿歆饗廟祀皇帝孝思
守文繼體惟宅惟宥一謹於禮嗚呼哀哉洛水煙昏崧
岳雲翳祖宗在天園陵在聳地如何歸祔道塗荆圮禮
有從權隨時之義嗚呼哀哉稽山巍巍浙江瀟瀟峯巖
之秀龍虎之勢宅兆之安吉協龜筮攢而未封從權之
制嗚呼哀哉龍輶霧駟羽翼封厲六宮于慕雨零其涕
音容如存象服永闕惟有懿範光昭彤史嗚呼哀哉詔
付書冊文官

九月

日給事中兼直學士院程克俊奏准勅差撰

懿節皇后哀用文維紹興九年歲次己未六月己酉朔
二日庚戌懿節皇后崩于五國城啟殯於龍德宮之西
階粵以十二年十月庚申朔七日丙寅遷祔于永固陵
攢宮之次從變禮也晝翼霄嚴彫韞夙駕素月墮於長
秋風回於廣廈皇帝緬懷麗極親御奠楹備百禮以迎
送望九宮而啟行挽鐸淒涼嗚笳怨咽爰命邇聯式揚
芳烈其詞曰胄自姬周賜姓受祉爵列刑侯以國為氏
奕燁漢唐蟬聯魯衛祚啟前人慶鍾來裔有美邦媛叶
瑞菖花姿凝娟靚德茂柔嘉箴圖是則服御無華天作
之合王假有家寵被綠綬光生朱邸二女同風四妃繼
姜動中珩璜躬勤治沚厲節含章稱時由禮歲丁協洽
霧塞宮闈羌逢時之多故迺從狩于六駝禍機叵測天

理難知掖庭之草兮自綠汾水之鴈兮空飛嗚呼哀哉
中壺初崇化基攸賴將還踐于青規遽興悲乎素柩淪
精軒象之躔閔跡瑤池之會莫攬禕衣徒存羽素僊遊
兮縹緲間計音來兮沙漠外嗚呼哀哉宸襟感愴戚
哀傷涕實黎庶慟絕嬪嬙念死生之契闊杳南北之相
望屬寶隣兮敦好飾輜御兮歸藏儼萬乘以迎奠拱千
官而肅將嗚呼哀哉眉然兮啟蕞塗紃如兮催漏鼓轟
城闈以陡轉渺濤江而橫度風蕭蕭兮絳旒番露漫漫
兮紅日暮卜吉壤于稽山附神靈於永固嗚呼哀哉涓
辰庀事瘞玉埋香集鳧羣於銀海燎漆焰於金缸從先
后而不返嗟大夜之何長姑寓攢於東越竚還貞于北
印惟惇史之述德亘億載而垂芳嗚呼哀哉詔付書冊

文官 十三日權禮部侍郎施垌等言三梓宮將來發
引未定行次先後緣國朝以來即無同時舉葬大喪梓
宮發引禮例謹按禮經曾子問葬先輕而後重奠先重
而後輕自啟及葬不奠今自啟攢以至於葬並以奠禮
為先後不用奠禮則輕者居先重者居後將來發引懿
節皇后梓宮在前顯肅皇后梓宮次之徽宗皇帝梓宮
又次之前早後尊先輕後重庶合禮意詔依
同日又言已降指揮將來梓宮發引未審皇太后合與
不合詣攢宮唯復止詣龍德宮燒香令禮部太常寺討
論申尚書省今檢會永定陵故事發引前有司進龍輅
于延慶殿西階挽士退先請皇太后奉寧龍輅舉哭盡
哀退又檢會永厚陵故事發引是日仁宗皇帝與皇太

后於舉前奉辭契勘將來梓宮發引係合於龍德宮門外升大昇舉緣龍德宮門外地步隘窄已設皇帝行禮御帳難以更設皇太后御帳今討論將來梓宮發引日欲比附前項故事是日於發引時前請皇太后自內服淺淡服請龍德宮帳次易總麻服詣梓宮前燒香舉哭奉辭退歸次易吉服還內次皇帝依儀行啟奠祖奠遣奠之禮所有皇太后總麻服乞令本殿官於龍德宮門外焚燒仍令太史局尅擇官指引利方詔依

十五日禮部太常寺言將來發引皇帝親行啟奠祖奠遣奠禮今參酌條具合行事件下項 一啟奠祖奠合用祝文六首 三首述皇帝 三首述梓宮前行 啟奠之意 一合用御封降真香九合 一遣奠合差讀哀冊文官三

員乞降勅差侍從 一合差舉哀冊官二員乞降勅差六曹郎官 一啟奠祖奠遣奠合用奠帛九段 一合差進奠爵酒官三員乞降勅差禮祠部郎官 一合差酌酒官三員乞降勅差太常寺博士主簿寺監丞充 一合差割繩內 侍 員下入內侍省差 一合用上香炭火燎草并焚總麻服柴草等下諸司排辦 一合用羊九口豕九口乞下臨安府收買赴牛羊司入滌養餵差宰手工匠祗應 一合用禮料酒齊蠟燭燎草等乞從太常寺下臨安府應副 一依故事發引前一日奏告在京宮觀廟宇并靈駕經過橋道及十里內神祠今欲乞依故事令臨安府紹興府備酒幣帛修撰祝文差官祭告行禮並前一日致齋詔依

十七日禮部太常寺言將來梓發引行遣奠禮畢除總護使并都大主管合隨從外其餘行事侍中已下俟朝臨訖並乞依故例先赴宿頓內隨從官乞依自來故例沿路若出陸許自執扇遇雨許披帶其沿路遇宿頓總護使已下并行事侍中等及皇親詣親並合服總麻服立班上香朝晡臨內皇親乞令行在大宗正司差南班宗室一十員候至紹興府乞令見在本府南班宗室並隨從立班俟掩攢宮畢日回及自至攢宮至掩攢宮日總護使以下應合赴立班官並服總麻服詣梓宮前上香朝晡臨詔依

二十一日禮部太常寺言將來梓宮發引百官於城外奉辭今其合排辦事件下項 一至日應服總麻服文

武官於城外奉辭合用幕次香案香爐等乞下臨安府排辦若值雨濕潤乞令就幕次立班上香舉哭再拜奉辭 一儀注其日應合赴官先赴城外幕次易總麻服有司設香案定俟大昇舉將至御史臺太常寺閤門集官立定俟大昇舉至禮直官贊躬拜班首已下在位官並再拜次引班首詣香案前上香再上香三上香復位立班首舉哭在位官皆舉哭俟哭止禮直官贊官躬拜在位官皆再拜訖俟大昇舉過並退詔依

同日禮部太常寺言今具梓宮發引合差官下項侍中一員奏請靈駕升降進發權駐乞差侍從太傅一員持節導梓宮監掩攢宮依故例降勅就差總護使少傅一員捧率梓宮官奉升大昇舉並攝少保復土九鍾乞差

侍從太常卿一員充掩橫宮饗官依故例降勅差太常少卿充太常少卿一員率執筭障梓宮乞差太常寺官充監察御史一員監掩橫宮少府監一員進龍輜乞差太常寺官充將作監一員捧梓宮登龍輜兼掩橫宮乞差本監官贊引太傅持節導梓宮太常博士一員乞差太常寺主簿攝詔依

二十二日禮部太常寺言將作少監朱友仁等中承請揮製造徽宗皇帝顯肅皇后懿節皇后大昇舉三座合用牌額字數乞下太常寺討論付是何官司書寫後批送禮部同太常寺討論申尚書省今討論合造牌三面並以七字為文依故例用朱漆清地金字製造官司委官書寫徽宗皇帝大昇舉顯肅皇后大昇舉懿節皇后大

昇舉詔依

同日禮部太常寺言梓宮發引經由錢塘江并錢清江事體至重乞降御封香祝專委官嚴潔致祭今具合排辦事件下項 一合用祝文二首並述以為梓宮渡江前期致告之意

一首錢塘江龍神 一首錢清江龍神

一合用御封降真

香二合白幣二段 一每位合用羊豕酒粟脯鷄菁蠟

蠟燎草等共二位乞從太常寺具數報臨安府紹興府排辦其禮料俟禮畢並投於江中 一祭告官奉禮郎

太祝太官令乞輪隨從梓宮禮部太常寺官充詔依

同日禮部太常寺言將來九月二十六日梓宮發引今續次參酌到合行事件 一發引日總護使都大主管官橋道頓遞使就御幄前辭餘行事官並免免 一合

寶彝堂
用黝九匹纁六匹贈玉三段係於橫宮內安設令左藏
庫揀選堪好物帛充文思院如法製造贈玉供納一
所差鼓吹警場挽歌依故事係五使按閱今來已差總
護使橋道頓遞使欲乞從總護使於發引前二日就法
惠寺同橋道頓遞使都大主管并禮部太常寺官按閱
一欲乞依昨昭慈聖獻皇后橫宮禮例梓宮升獻殿
權安奉以俟遷奠掩橫宮一發引梓宮到發引紹興
府令本府於城外迎奉處排祭一座於報恩光孝觀設
道場三晝夜仍禁止音樂其禁樂俟掩橫宮畢仍舊詔
依

二十三日禮部太常寺言今續次條具到梓宮發引申
請下項一九月二十六日發引用未時八刻後百官

城外奉辭訖次詣常御殿門外進名奉慰外次進名慰
皇太后及乞次日作歇泊假一發引日皇帝詣龍德
宮門外行遣奠之禮竊慮至日不測雨降令臨安府同
儀鸞司預先絞縛幕帷仍稍加高闊不得妨礙龍輅大
昇輦道路詔依

啟奠祖奠遣奠儀

其日少府監帥其屬預進龍輅各於梓宮之前次有司
設牙床實禮料俟時前皇帝自內服忌日之服乘輦出
內詣龍德宮殿門外降輦歸御幄簾降時前行事陪位
官並就次易總麻服訖次禮直官引讀祝文官進幣爵
酒官酌酒官各升殿就位立次引皇親南班官并諸親
及總護使司屬官并行事侍中等詣殿下北向依官序

立定次禮直官引太傅次引總護使於班前立定前導
太常卿博士禮直官立於御幄之前俟皇帝易總麻服
訖閣門報班齊禮直官太常博士引太常卿當幄前俛
伏跪奏稱太常卿臣某言請皇帝詣徽宗皇帝梓宮前
行啟奠之禮奏訖伏興退復位立奏請拜皇帝再簾捲
前導官前導皇帝詣徽宗皇帝梓宮殿下西向褥位立
奏請拜皇帝再拜在位官皆再拜訖次內侍進盥洗又
奏請拜皇帝再拜在位官皆再拜訖次盥手悅手內侍
進巾爵又奏請皇帝洗爵拭爵前導官前導皇帝升詣
徽宗皇帝梓宮香案前北向立次禮直官引太傅升殿
後從奏請皇帝跪上香再上香三上香進幣爵酒官西
向跪先進幣次進爵酒又奏請皇帝受幣奠幣執爵三

祭酒奠爵俛伏興進幣爵酒官退歸本班又奏請皇帝
少立讀祝文官東向跪讀祝文訖興歸本班奏請皇帝
舉哭在位官皆舉哭俟哭止奏請拜皇帝再拜在位官
皆再拜訖次前導官前導皇帝詣殿下褥位西向立禮
直官引太傅降階復位立奏請拜皇帝再拜在位官皆
再拜訖前導官前導皇帝權歸幄簾降前導官陪位官
先詣顯肅皇后懿節皇后梓宮殿下立班定俟皇帝詣
顯肅皇后懿節皇后梓宮殿東廊御幄簾降閣門報班
齊禮直官太常博士引太常卿當幄前俛伏跪奏稱太
常卿臣某言請皇帝詣顯肅皇后懿節皇后梓宮前行
啟奠之禮奏訖伏興退復位簾捲前導官前導皇帝詣
顯肅皇后梓宮殿下西向褥位立奏請皇帝再拜在位

官皆再拜訖次內侍進盥洗又奏請皇帝盥手悅手內侍進巾爵又奏請皇帝洗爵拭爵前導官前導皇帝升詣顯肅皇后梓宮香案前北向立次禮直官引太傅升殿後奏請皇帝跪上香再上香三上香進幣爵酒官西向跪先進幣次進爵酒又奏請皇帝受幣奠幣執爵三祭酒奠爵俛伏興進幣爵酒官退歸本班又奏請皇帝少立讀祝文官東向跪讀祝文訖興退歸本班奏請皇帝舉哭在位官皆舉哭俟哭止奏請拜皇帝再拜在位官皆再拜訖次前導官前導皇帝詣懿節皇后梓宮香案前北向立次禮直官引太傅後從奏請皇帝上香再上香三上香進幣爵酒官西向先進幣次進爵酒又奏請皇帝受幣奠幣執爵三祭酒奠爵進幣爵酒官退

歸本班又奏請皇帝少立讀祝文官東向跪讀祝文訖興退歸本班奏請皇帝舉哭在位官皆舉哭俟哭止奏請致欽不拜在位官皆再拜訖次前導官前導皇帝詣殿下褥位西向立禮直官引太傅降階復位立奏請拜皇帝再拜在位官皆再拜訖前導官前導皇帝歸御幄簾降前導陪位官權退於殿門外俟時至禮直官引侍中詣徽宗皇帝梓宮前俛伏跪奏稱攝侍中且某言請徽宗皇帝梓宮升龍輜奏訖伏興次詣顯肅皇后懿節皇后梓宮前奏請並如上儀訖退次將作監依次捧梓宮登龍輜訖有司設牙床實禮料畢次引前導陪位官立班定閤門報班齊皇帝行祖奠之禮奏請前導行禮如啟奠之儀宋

會要前導官導皇帝升詣徽宗皇帝梓宮之禮如啟奠之儀宋

御帷簾降禮直官引太傅退次禮直官太常博士引太
常御當帷前伏帝釋總麻服太史局指引方焚之內侍
興前導官退皇帝侍收掌太史局指引方焚之內侍
常儀其總麻服內侍收掌太史局指引方焚之內侍
視官監

中興禮書第二百四十六卷

凶禮十一

永祐陵

遷奠掩櫛

紹興十二年九月十一日禮部太常寺言梓宮發引至
櫛宮合行遷奠掩櫛宮之禮今參酌合行事件下項

一遷奠行禮官一員乞降勅差總護使一掩櫛宮行

禮官一員乞降勅差太常少卿一合用稅文六首首三

述以行遷奠之意三首御封降真香六合幣帛六段

一合用禮料酒齋蠟燭等乞從太常寺具數報紹興府

排辦一合用香爐匙合炭火等乞下諸司排辦一

合用羊豕各六口下紹興府收買仍差宰手祇應一

合差光祿卿一員乞降勅差禮部郎官一遺奠合差奉禮部太祝太官令各一員乞於總護使司屬官內官差一掩櫬合差奉禮部太祝太官令各一員乞差太常博士主簿一合差專一守宿照管御書香祝親事官二人及合用裝載御封香祝祭器牙床三百料網船五隻乞令兩浙轉運司差撥詔依
二十二日禮部太常寺言十月七日丁時掩櫬官今參酌條具合行事件下項一依禮例掩櫬官日文武百僚詣常御殿進名奉慰次進名慰皇太后仍乞是日百司作休務假一日一合差定時尅揮官一員下太史局差一欵乞攢櫬官畢總護使以下依故事進慰表并進表慰皇太后詔依

二十三日太常寺言十月七日攢櫬前一日奏告病慈聖獻皇后櫬官合差奏告官一員乞從總護使司於隨從梓宮南班宗室內差前一日赴泰寧寺致齋詔依

十一月四日詔修奉櫬官掩櫬了畢萬俟卨鄭德年宋唐卿李珪各轉兩宮一行官屬人吏諸色人等第推恩有差同日詔橋道頓遞使司官屬排辦並無攢櫬官第一第轉一官減二年磨勘第二等轉一官資修攢櫬官比類施行

遷奠儀

其日於興梓宮時前行事陪位官並服總麻服有司於各梓宮前設牙床祭器實設禮料先引侍中以下并諸皇親諸親諸殿下北向立次引太官令監視實設畢次引光祿卿點閱訖光祿卿先退次引奉禮部太祝太官令各入就徽宗皇帝梓宮殿下北向立次引總護使詣

徽宗皇帝梓宮殿下西向立定禮直官揖躬拜總護使
以下皆再拜訖引奉禮郎太祝太官令升殿各入就位
次引總護使詣盥洗位北向盥水悅手訖升詣徽宗皇
帝梓宮前跪上香再上香三上香奉禮郎西向跪奉幣
總護使受幣俛伏興再拜訖降階復位少立次引總護
使再詣盥洗位北向盥手悅手洗爵拭爵訖升詣梓宮
前 尊所西向跪執爵太官令跪酌酒 總護使 詣
梓宮前跪執爵三祭酒尊爵俛伏興少立太祝東向跪
讀祝文訖總護使再拜訖降階復位立次引總護使詣
望燎位南向立奉禮官太祝太官令重行立有司燎祝
幣訖總護以下退次詣顯肅皇后懿節皇后梓宮前行
遷奠之禮並如上儀訖次監察御史將作監並監擯掩

宮次少保復土九鍾又引太常卿行掩橫宮之禮 遷
奠之儀

挽詞

紹興十二年八月二十七日禮部太常寺言參酌討論
到徽宗皇帝顯肅皇后懿節皇后梓宮發引依昭慈聖
獻皇后禮例令翰林學士中書舍人共撰挽詞二十首
降付太常寺教習今來欵依禮例差官各撰挽詞詔依
九月七日權禮部侍郎施垌等言將來徽宗皇帝梓宮
發引雖已降指揮依昭慈聖獻皇后禮例翰林學士中
書舍人撰挽詞二十首緣今來事體至重欲乞依故事
更令文班職事官已上各撰挽詞二首詔依

御製徽宗皇帝挽詞五章

翰林學士中書舍人并文班職事官

其一

若昔龍飛日天臨靖國初訓詞勤太母謙德避震居孝
梯踰三遜乾坤只一如璿揮今對越千古炳成書

其二

崇觀基皇化熙然治具修憂勤居寶紹述先猷武德
超三畧文思訪九疇禮神恭太漠上漢痛難留

其三

輔 歲辰宣和際元良曠注深倦勤營位傳出城心慈
愛初終似姦回反復侵更堪夷狄禍劍恨

其四

問使衣裳信親毫付託隆繼明慚菲德保國痛深衷固

極悲霜露時思愧眇冲哀哀孤子恨孺慕白旻穹

其五

虛位稽山靜靈輻寢廟安綺城非洛下帳殿且江干大
隨震儀隔哀歌薤露殘莫能成未命淚滿越波寒

小祥

紹興七年十二月九日宗正少卿兼權太常少卿馮楫
言來年正月二十五日聖文仁德顯孝皇帝顯肅皇后
小祥日檢照國朝故事所載不視事輔臣等詣几筵前
奠醑并放臣僚見謝辭日數例各不同所有將來小祥
日欲參酌比附下項後批送禮部看祥申尚書省本部
看詳欲依劄子內侍事理施行 一小祥日依永熙陵
故事前後各不視事三日及隨不視事日分放臣僚見

寶壽堂
辭謝 一自小祥前依永厚陵故事命輔臣至時刻
管軍臣僚正任觀察使皇親遠郡 禦使 詣几筵
殿奠醑三日止合用供養食茶酒果從本寺闍報御厨
翰林司排辦 一小祥日依指揮是日皇帝詣几筵殿
行祭奠之禮如宮中之儀俟皇帝行禮畢還內次宰執
率文武百僚詣常御殿門外進名
香是日百司作林務假一日詔依

十九日馮楫又言來年正月二十五日徽宗皇帝顯肅
皇后小祥日行宮未有該載欵乞是日留守已下進表
奉慰訖次詣佛寺行香訖退亦乞作休務假一日詔依
八年正月十一日 行香宮禮部太常寺言契勘遇祖宗
帝后同日兩忘行香係於法惠寺殿上東西釘設幄次

及設位位牌御史臺太常寺闍門分引百僚立班定禮
直官揖躬拜留守以下再拜引留守升殿合人接引同
升殿詣香案前舍人接搢笏上香跪奠茶訖執笏伏興
降階復位又再拜次引留守以下分左右搢笏行香執
笏俱復位次引留守升殿詣香案前俛伏跪搢笏執爐
俟讀疏文畢執笏伏興降階復位又再拜訖直身立禮
直官揖躬拜留守以下再拜訖次引升殿詣次位行禮
行香升殿拜數並如上儀訖留守班退餘官以次退所
有將來小祥日行香欵乞並依上件忌
依

大祥

紹興八年八月二十五日禮部太常寺言檢會永厚陵

故事熙寧元年十月二十六日詔將來大祥

府軍監各就寺觀破係省錢請僧道三七人建道場七晝夜罷散日設醮一座各施看經施利錢三十貫道士少處只據人數設醮將來紹興九年正月二十五日徽宗皇帝顯肅皇后大祥諸路州縣建置道場設齋醮等欲乞依上件故事施行詔依

十一月二十九日禮部太常寺言將來大祥今先次檢照故例參酌條具到合行事件一依國朝故事大祥日几筵殿除靈坐時前皇帝躬親扶護几筵東南別設一祭祝文如遺奠之意今欲依上件故事施行所有祝文乞下學士院修撰一依國朝故事大祥後閏月擇日行禫祭至晦日而除改朔從吉今欲乞依上件故事

施行仍乞下太史局於來年 月 擇 祭 分所有

供進御服并見應奉從物等及禁衛裝著服色合自四月一日並從吉 一檢會永昭陵故事大祥前後禁屠宰一十二日所有將來正月二十五日大祥欲依上件故事禁屠宰一十二日仍自來年正月十九日為始至正月三十日 一所有將來正月二十五日大祥欲乞依永昭陵故事自正月二十日 以 管軍臣

僚遙郡觀察使宗室遙郡防禦使以上諸几筵殿奠酌自是日一奠內宗室遙郡緣行在員數不多乞應宗室南班官並許趁赴至二十四日群臣皆入奠仍乞依故事到闕未見遷官未謝已辭未發並聽隨班入奠 一合用奠几筵利方乞下太史局指定供報都大所取詣

施行詔依 十二月七日禮部太常寺言將來大祥今
續有申請事件 一合用藉祭牙床二張銅小麻爐香
匙燭臺並乞下工部指揮文思院製造 一合用羊豕
各二口下臨安府收買赴牛羊司入滌養銀及差宰手
等祇應詔依 九日大祥除几筵禫祭都大主管所言
將來焚几筵合用利方據尅擇官相視到修內司後第
三鋪一帶空地一段照望在大內西北係是利方并取
到禮直官狀上件利方於本寺典禮別無方礙詔依
十三日禮部太常寺言將來大祥除几筵依禮例時前
禮儀使先行奏告之禮合 祝文二

首

並述以除几筵奏告之意

詔依

十六日禮部太常寺言今條具

到下項

一檢會國朝故事大祥日前後殿不視事一

十二日所有將來大祥不視事日分欲乞依前項故事
施行合自來年正月十九日至三十日 一依故事大
祥日百官起居權罷舞蹈所有將來大祥日百官起
居權罷舞蹈 一依故事大祥前後停決大辟一百二
十日所有將來大祥欲依前

十九

日行在停決大辟至三十日詔依 十七日禮部太常
寺言今檢照故例條具到合行事件 一檢會永定陵
故事大祥日釋衰服服祥係服素服紗軟脚幘頭白羅
袍黑銀帶至禫祭日釋祥服服禫服素紗軟脚幘頭淺
色黃羅袍黑銀帶將來大祥并禫祭日皇帝所服欲依
故事施行 一大祥日皇帝自內服衰服出至幄舉哭
俟哭止釋衰服服祥服以俟行禮至禫祭日皇帝自內

服祥服出至幄舉哭俟哭止釋祥服服禫服以俟行禮
 一合用祥服乞下工部指揮文思院製造赴御藥院
 送納一至日俟釋衰服訖所有衰服欲依故例差內侍
 官一員拘收於利方監視焚燒仍差尅擇官指引詔依
 同日禮部太常寺言將來大祥依國朝故事合行祥
 發之禮今條具到合行事件下項 一合用御封降真
 香二合祝文二首 一首述以徽宗聖文仁德顯孝皇
 帝大祥祭奠之意一首述以為顯肅
 皇太后大祥祭幣帛二段悅 一合用香
 爐匙合炭火及禮畢掌管焚祝幣並乞從几筵提舉欽
 奉所指揮下本殿排辦 一合用羊豕各二口依例下
 臨安府收買赴牛羊司 一合用禮料酒齊蠟燭燎草
 等乞從太常寺依例具數下臨安府排辦 一合用饌

造神食什物鍋竈等並乞下臨安府於行宮北門外踏
 逐排辦詔依 二十二日禮部太常寺言將來大祥除
 几筵依故例合差禮儀使赴行宮門內幕次宿齋係差
 宰臣充詔依 宋會要詔命尚書
 左僕射秦檜餘依 同日禮部太常寺言將
 來大祥已降指揮輔臣等詣几筵殿奠酌今具申請事
 件下項 一昨自建康府迎奉几筵回臨安府其經過
 州縣官係權易皂帶立班奉迎所有將來大祥應合赴
 几筵殿奠酌立班官欲比附前項禮例俟至殿門外幕
 次並權易皂帶佩魚立班奠酌訖歸幕次換吉服退
 一將來奠酌每日合用香炭火香爐匙合等乞令几筵
 殿排辦供養牙盤食茶酒果從太常寺關報御厨翰林
 司排辦詔依 二十五日禮部太常寺言今參酌到合

行事件 一禮使時前行禮供設上香炭火及禮畢掌
焚燒祝文並乞從几筵提舉欽奉所下本殿排辦
一禮儀使前一日早晚上香并時前奏告合用蠟燭燎
草下臨安府排辦內燎草皇城司放入并合用供養牙
盤食茶酒果乞從都大主管所行下諸司排辦詔依
二十九日禮部太常寺言檢會國朝故事大祥群臣詣
西上閤門進名奉慰退赴佛寺行香仍作休務假所有
將來正月二十五日徽宗皇帝顯肅皇后大祥欲乞至
日俟皇帝赴几筵殿禮畢還內文武百僚詣常御殿門
外進呈奉慰訖次赴法惠寺行香訖退仍作休務假一
日其修撰疏文行香等並乞依祖宗帝后忌辰行香禮
例排辦詔依 九年正月十五日禮部太常寺言勘會

正月二十五日徽宗皇帝顯肅皇后大祥今條具下項
一合差焚几筵舉火內侍官一員今欲乞令都大主
管所差其合用火燭柴草令諸司排辦 一時前皇帝
躬親扶護几筵東南別設一祭緣今來几筵殿上委是
宰監所有殿上見鋪設供養花版什物等俟禮儀使燒
香畢令本殿並行徹去 一大祥日已降指揮宗室南
班官顯肅皇后本家親屬陪位依例亦合宿齋詔依同
日禮部太常寺言正月二十五日大祥至日皇帝行祥
祭之禮畢次躬親扶護几筵東南別設一祭并禮儀使
時前先行祭告之禮依故例合行差官下項 一合差
進幣爵酒官一員欲差六曹郎官 一合差酌酒官一
員欲差太常丞 一禮儀使時前奏告差讀祝文官一

員欲差六曹郎官並乞降勅詔依大祥并躬親扶設几
十六日禮部太常寺言檢會永定陵故事大祥前後東南別設一祭儀
各五日不行刑罰所有將來二十五日徽宗皇帝顯肅
皇后大祥欲乞行在依前項故事施行詔依 十九日
大祥除几筵禪祭都大主管所言勘會昨昭慈聖獻皇
后焚几筵合差舉火官係差本殿幹辦官一員今來徽
宗皇帝顯肅皇后焚几筵係二殿欲差本殿幹辦官二
員舉火其合用柴草乞下臨安府應副詔依
二十一日大祥除几筵禪祭都大主管所言據禮直官
申今月二十五日徽宗皇帝顯肅皇后大祥除几筵其
禮儀使係於未開門時前行奏告禮所有行事陪位官
前夕並皇城司 時合赴几筵殿陪位係經由南

北宮門緣近降指揮晝夜更互排立今欲乞俟見前項
行事官等到門俟上件指揮放令出入詔依

中興禮書第二百四十七卷

凶禮十二

永祐陵

禫祭

紹興九年二月二十七日禮部太常寺言已降指揮大
詳後間月擇日禫祭祭之禮今參酌到合行事件 一

合用御封降真香二合祝文二首並述以為歲宗聖文
仁顯德孝皇帝顯肅

皇后行禫
祭禮之意幣帛二段 一合用香爐匙合炭火及禮畢

掌管焚祝幣柴草並乞從禫祭都大主管所行下諸司

排辦 一合用羊豕各二口乞下臨安府收買赴牛羊

司 一合用禮料酒齊蠟燭燎草藉祭器席牙床等下

臨安府排辦內牙床二張乞下工部指揮文思院製造

一合用位牌二面下臨安府製造訖赴儀鸞司送納
所有合用帷次二座并朱紅倚子路床二副燭臺銅麻
爐並乞令儀鸞司排辦 一禪祭前一日禮儀使并行
事前導陪位官欲乞依昨神主祔廟禮例前一日各宿
於本司內宗室乞于宗學鄭宅親屬乞於法惠寺仍乞
至日行宮北門并行禮殿門并早一刻開門放行事
官祇應人入殿排設行禮 一今來行禪祭禮係除几
筵之後其禮儀使并行事前導陪位官供詞執事內侍
及扈從官依禮例並合常服立班行事 一禪祭日已
降指揮用三月十七日丁酉吉詔依
三月九日禮部太常寺檢會國朝故事釋祥服行禪祭
祭禮日前後各一日不坐其日不視事文武百僚進名

奉慰訖次詣佛寺行香將來三月十七日皇帝釋祥服
行禪祭禮欲乞並依前項故事仍於法惠寺行香依禮
例作休務一日詔依三月二十九日
禪除日仿此

二十四日禮部太常寺言勘會三月二十九日太常皇
帝章獻明肅皇后仁帝皇帝忌同日係徽宗皇帝顯肅
皇后禪除日百僚奉慰今欲乞是日文武百僚先詣常
御殿門外進名奉慰訖次詣法惠寺先行忌辰行香禮
畢權歸幕次以俟禪除立班行香詔依

禪祭儀

其日夙興前太常入陳祭器供設禮饌次禮直官引禮
儀使執事陪位官各就位立定次禮直官太常博士太
常卿於幄前立定皇帝夙興自內服祥服詣禪祭行禮

殿側御幄前請皇帝舉哭俟哭止釋祥服禫服訖次禮直官太常博士引太常卿當幄前俛伏跪奏稱太常卿且其言請皇帝為徽宗皇帝顯肅皇后行禫祭之禮奏訖俛伏興簾捲前導官前導皇帝出幄詣殿下禱位西向立奏請拜皇帝再拜在位官皆再拜訖內侍進盤匱奏請皇帝盥手內侍沃水又奏請皇帝悅手內侍進巾皇帝悅手訖次內侍進爵又奏請皇帝洗爵內侍沃水又奏請皇帝拭爵內侍進中皇帝拭爵訖前導官前導皇帝升詣徽宗皇帝神位前禱位奏請皇帝跪上香再上香三上香進幣爵酒官先進幣次進爵又奏請皇帝受幣奠幣執爵三祭酒於地奠爵俛伏興又奏請皇帝少立讀祝文官跪讀祝文訖又奏請哭再拜皇帝舉

哭再拜在位官皆舉哭再拜訖哭止初皇帝再拜禮直官先引執事官詣顯肅皇后神位前各就位立定俟皇帝詣顯肅皇后神位前禱位奏請皇帝跪上香再上香三上香進爵爵酒官先進幣次爵又奏請皇帝受幣奠幣執爵三祭酒於地奠爵俛伏興又奏請皇帝少立讀祝文官跪讀祝文訖又奏請舉哭再拜皇帝舉哭再拜在位官皆舉哭再拜訖哭止前導官前導皇帝降階詣殿下禱位西向立奏請拜皇帝再拜在位官皆再拜訖前導官前導皇帝歸幄簾降次禮直官太常博士引太常卿當幄前俛伏跪奏稱太常卿臣某言禮畢奏訖俛伏興前導陪位官以次退皇帝還內次禮儀使執事官詣望燎位立俟焚祝幣訖退

塑製安奉神御

紹興九年正月十三日禮部太常寺言將來正月二十
五日徽宗皇帝顯肅皇后大祥依國朝故事大祥後迎
奉神御赴景靈宮等處奉安今具合申請事件下項
一將來塑製徽宗皇帝神御合依會聖宮啟運宮神御
所服冠服法衣塑製候逐宮報到乞從太常報都大主
管官依故事塑製施行 一合塑製徽宗皇帝神位三
位一位迎奉赴景靈宮奉安見在温州一位迎奉赴會聖宮
奉安見在景靈宮別殿一位迎奉赴啟運宮奉安見在福州開元寺
一合塑製顯恭皇后神御一位顯肅皇后神御一位景
靈宮奉安 一會到景靈宮主管奉迎所稱遂殿見奉
安神宗皇帝哲宗皇帝並係漆塑戴幘頭寬袖淡黃服

底現紅銷金領袖出紅鞞作素玉帶黑靴夫白底通
袖不現手勣會今來塑製徽宗皇帝神御除靴合改作
朱履外餘乞依上件禮例塑製 一昨塑製昭慈聖獻
皇后神御尋會到神主御提點所稱遂殿見奉安欽聖
憲肅皇后昭懷皇后並係漆塑首飾花環六挿冠並用
假珠子結圈青雉朱衣履革帶係皇后服勣會今來塑
製顯恭皇后顯肅皇后神御乞依上件禮制塑製詔依
二月十三日啟運宮奉迎所申准省劄太常寺申會見
今奉安神宗皇帝哲宗皇帝見服是何冠服法衣安
龍倚等本所契勘本宮見奉安神宗皇帝哲宗皇帝神
御係以漆胎彩繪如存裝素頂通天冠絳紗袍方心曲
領環佩朱履等並如禮製執真玉圭元坐龍床昨自迎

奉到福州日製造龍倚日今安座後批送禮部行下太常寺照會三月十二日塑製都大主管所言據尅擇官選定塑製神御下手吉日時刻三月十九日丁時三月二十二日乙時並言詔用三月十九日

十四日塑製都大主管所言契勘塑製神御近會到御座不同今欵乞並休景靈宮啟運宮例止造龍椅詔依四月五日禮部太常寺言今來塑製神御俟將來畢工合行奉迎赴逐宮奉安所有合供設香案花瓶繖扇等依昨塑製昭慈聖獻皇后故例係塑製所管認料造內香爐等金鍍銀製造今具下項 一塑製徽宗皇帝神御三位內一位迎奉赴景靈宮一位迎奉赴會聖宮一位迎奉赴啟運宮奉安每位各合用香爐是合花瓶

一副黃羅繖二黃羅扇四黃絹油兩繖二香案一座黃案衣油絹帕 一塑製顯恭皇后顯肅皇后神御合奉迎赴景靈宮奉安每位各合用香爐是合花瓶一副紅羅繖二紅羅扇四紅絹油兩繖二香案一座紅案衣油絹帕袋竿索全

詔依 五月八日臣僚上言竊聞近日塑製神御及造龍輿禕衣之類所用工料浩瀚緣事體重大有司難以輒行幾察竊慮逐處妄有支破或致侵欺欲望嚴立約束應上件諸局以前及日後關請料次錢并非泛下諸府庫取索到物料並仰具數申尚書省照會候將來結局即具細破帳申請送所屬磨覆仍關報戶部及御史臺以糾察詔依

十月十九日塑製都大主管所言塑製徽宗皇帝顯恭

皇后顯肅皇后神御已畢工詔令禮部太常寺討論奉安處所屬聞奏

二十二日禮部太常寺言勘會依禮例塑製了畢合擇日迎奉於景靈宮會聖宮啟運宮奉安今來若便自行在迎奉歲宗皇帝顯恭皇后顯肅皇后神御五位經由台州等處往溫福州奉安其所差禮儀使及官屬一行儀衛諸色祇應人等近千餘人 在冬月經涉州縣虛有勞費及將來却同溫福州神御往湖州奉安徒煩往復今討論欲且於內中天章閣權行奉安俟將來迎奉溫福州神御往湖州奉安日乞令太常寺別行申請詔依

十一月三日禮部太常寺言已降指揮塑製神御畢工

於內中天章閣權奉安見今塑製所官每日上香并照管本殿事務竊慮本殿闕官幹辦今乞下入內侍省差官二員權行幹辦分番宿直照管至奉安日罷詔依九日禮部太常寺言已降指揮於內中天章閣奉安神御依禮例合差禮儀使一員係差宰相或執政官及都大主管官一員差近上內侍官乞憐降勅差官詔依十年二月六日禮部太常寺言今來塑製神御工畢今條具到合行申請下項 一奉安前一日欽乞皇帝齋於內殿視事如常有司不奏刑殺文書奉安日前後殿不視事作休務假一日內前一日視事乞于常御殿

一合用御封降真香二 一合行內告遷之製所禮儀使

前一日禮儀使早晚上香三合奉安時前禮儀使奏請告三合皇帝行酌獻禮三合皇帝行燒香禮三合禮儀

使奉安 祝文六首內三首送以告遷時前奉告 行禮以西權奉安之意三首 一侍臣一員俟使臣酌茶送以行權奉安禮之意 酒畢接盃跪進皇帝乞降勅于給舍內差官 一今來神御五位每位合差扶侍夾侍各二員並魚捧遷神御升降 掌香火官三員乞從都大主管所報入內侍省差 一神御經由門戶道路乞從都大主管所預行相度報修內司條築 一禮儀使告遷時奉告并奉安行禮前後殿各合差太祝一員乞降勅差太常丞博士 一奉安神御日時前皇帝親行酌獻禮并至天章閣西神御殿行燒香禮及禮儀使奉安禮欲乞使相執政官宗室南班以上陪位立班 一奉安前一日禮儀使侍臣前導官并太祝宗室南班以上及兩后親屬依禮例並前一日

赴內中幕次宿齋詔依三月二十二日禮部太常寺言奉安徽宗皇帝顯恭皇后顯肅皇后神御若至日值雨次日車駕自常御殿乘輦詣天章閣西神御前行燒香之禮今欲乞令前導官并陪位宰執使相宗室南班及兩宅親屬至日先於天章閣過道門外北向迎駕起居訖次詣神御殿下立班前導詔依

御容

興六年六月一日禮部太常寺言準龍圖天章寶文顯謨徽猷閣狀今準供奉官謝安常降到道君皇帝寧德皇后御容四匣御寶封全付天章閣收奉本閣恭依收奉訖所有崇奉令禮部太常寺同共討論聞奏今討論合依禮例擇日奉安本閣官燒香其合用香令本閣關

入內侍省取降太史局擇日俟奉安訖已後並依
祖宗諸后例崇奉詔依

十二年八月十七日權禮部侍郎施垌等言勘會諸陵
下宮係同殿崇奉帝后御容依禮例諸后神台內有柎
於別陵其御容止於本陵下宮崇奉將來修奉永固陵
橫宮下宮畢禮例合前殿崇奉徽宗皇帝顯恭皇后顯
肅皇后後殿崇奉懿節皇后又緣顯恭皇后御容見今
天章閣崇奉止有一軸今相度欲乞令見今傳寫懿節
皇后御容官一就傳寫顯恭皇后御容一軸將來迎奉
赴永固陵下宮崇奉詔依

二十七日禮部太常寺言永固陵修奉使司狀已降指
揮修奉橫宮其崇奉徽宗皇帝顯肅皇后懿節皇后御

容下宮令修奉所體做見修蓋到龍德宮間修奉
本司令畫到圖本係前後兩殿并面西樞星門一座契
勘將來下宮崇奉御容三位未審更有無合增修殿宇
及樞星門合與不合面南作三座修奉送禮部太常寺
討論申尚書省今討論修奉下宮合依龍德宮間例修
蓋其前殿係安奉徽宗皇帝顯恭皇后顯肅皇后御容
後殿係安奉懿節皇后御容即更別無增修殿宇外其
樞星門止合作一座面南修蓋詔依

九月十五日禮部太常寺言永固陵橫宮修奉都護楊
存中等劄子勘會修奉下宮依近降指揮合前殿崇奉
徽宗皇帝顯恭皇后顯肅皇后御容合以西為上後殿
崇奉懿節皇后御容詔依 十八日禮部太常寺言修

奉都護楊存中等劄子勸會見修奉永固陵橫宮依
降指揮於上宮後修蓋下宮契勸昭慈聖獻皇后橫宮
安設神帳見在上宮其御容係於泰寧寺用匣收奉
將今來見造逐位帳座器四等並於下宮安設崇奉其
上未審合與不合更設虛位後批送禮部太常寺討
論申尚書省勸會依祖宗禮例其陵寢下宮係崇奉御
容安設神帳上宮係設虛位昨昭慈聖獻皇后下宮係
將泰寧寺擗截作下宮崇奉御容緣為泰寧寺窄隘遂
將神帳在上宮安設今討論永固陵橫宮下宮前殿崇
奉徽宗皇帝顯肅恭皇后顯肅皇后御容後殿崇奉懿
節皇后御容內神帳等並合在下宮安設共上宮依禮
例合設虛位詔依

二十一日殿橫發都大主管所言據太常寺兼祇應狀
九月二十六日發引所有御容三位依故例於天章閣
前期詣降迎奉赴永固陵下宮安奉乞委官請降沿路
照管詔依

二十二日禮部太常寺言將來十月七日掩橫宮畢下
宮安奉徽宗皇帝顯恭皇后顯肅皇后懿節皇后御容
乞就差太常少卿行奉安燒香之禮所有合用供奉牙
盤食茶酒果乞令紹興府排辦內顯恭皇后一位未曾
製造器四香案香爐匙合茶盃子鈔鑪盆盞等亦乞
令紹興府預行計置排辦施行詔依

